

BAHEBRAYO,

CHIPATI CACISAMBOMWE ²



. . . kwiiya Ijwi Lyakwe liyandisi.

Ne boola, kaindi kainda, elyo Ndali kubweza MabbaiBBele obilo. Elyo Nda jisi kubuzyanya kusyoonto a mulindu kusule awa, elyo Nda mwaambila kuti na Nda akambauka alo obilo, elede kuba a cibalo cibotu kapati. Pele eli lya lekiskkoni Griki, nkabela cintucimwi buyo Nce yanda kubala kuzwa kuli eli, sunumasiku. Mbu ii—mbu ii. . . Mbu panduluzi bwa bbala ku bbala, kuzwa kuci Griki citaanzi, kuya mu Chikuwa. Elyo lyakali lugwasyo maningi kuli ndime mu lweendo. Elyo Ndi yanda buyo kubala cintucimwi kuzwa kuli ndilyo, nkaambo tu langalanga muli eli Bbuku lya Bahebrayo, alimwi lino tu boola ku kubupanduluzi busakene ncobeni.

219 Elyo Nda ambila Mukwesu Neville, maminiti masyoonto ainda, “Tu njila cibeela oko bantu nkoba likwazya mitwe yabo a kuti, ‘Nse cisyomi eco.’” Mwabona? Oyo ngo musyobo ngo tu njila. Mpe mpawo mpotu ciyanda.

220 Mukutausi umwi wakati kuli ndime, wa kati, “Ee, Ndi yeeyela kuti kuyooBa kulikwazya mitwe kunji.”

221 Nda kati, “Eco nco tuyanda kucita.” Mwabona?

222 I Bbaibbele likonzya biyo kuba a bupanduluzi bomwe. Ta likonzyi kuba a bupanduluzi bobilo. Elyo ikuti na cibeela comwe ca Bbaibbele caamba cintu comwe, alimwi cibeela cimbi ca Bbaibbele caamba cintucimwi cimbi, mpawo cintucimwi cili lubide. Mwabona? Lyeedele kwaamba cintu, nzila yoonse. Pele, amuyeeye, mu kulangalanga Bbaibbele, “Lili sisidwe kuzwa ku meso aa basongo a basimaanu, nkabela lyaka yubununwa ku bavwanda,” nkaambo ndi Bbuku lya kumuuya.

223 Alimwi Talili bbuku lya kumbo. Ndi Bbuku lya kujwe. Elyo kuli cintu comwe biyo cikonzya ku Li pandulula, nkabela oyo Muuya Uusalala. Ndi lizi kuti umwi aumwi wesu uyanda kwaamba, kuti, “I Muuya Uusalala utwaambila eco nco tusyoma muli Ndilyo.” Ee, lino, ikuti na Lugwalo lweendelena ncobeni mbubonya, mpawo oyo Muuya Uusalala. Ikuti na ta lweendelani, nkabela lujisi cimanga *awa*, a cimanga atala *awa*, nkokuti kuli cintucimwi cilubide a buzumini bwesu. Elyo, oh, Ndi Bbuku bbotu loko.

224 Lino, Ndi yanda kucita eci kuciindi notu langalanga. Lino, tweedele kufuma kuzwa kuyaku Wyoming, na Mwami wayanda. Amu tukombele.

Elyo eyi mvwiki itobela, Mukwesu Graham Snelling, awa . . . Walo mpali. Nda mumvwa, maminiti masyoonto ainda, kabamba kwaambilizya. Alimwi eyi mbungano ilu mu buzule bwakubeleka amwi a lubukulusyo lwakwe. Elyo tuli mukupaila kuli Leza, kuti amupe lubukulusyo, lupati, luzwide kwiindilila. Mukwesu Graham waka jisi lubukulusyo lwa Mukwesu . . . atala awa mu Charlestown, Mukwesu Junior Cash, elyo bakali eeni aa basanduki bali mwaanda, Nda syoma. [Umwi wati, “Makumi ali kkumi abone.”—Mul.] Basanduki bali makumi ali lusele abone. Aboobo, kuli ceeco, tupa kulumbaizya Leza. Alimwi tu syoma kuti kuyooba bali myaanda yosanwe a makumi ali lusele abone atala awa, mu busena obu awa.

225 Mukwesu Graham wandi swaana sunu, nkabela wati, “Lino, Mukwesu Bill, Ndili masimpe kuti ula mvwisya kuti Nseli waano kutalika mulimo umbi mu kuzundana a cikombelo, nkaambo Ndi cibeela ca cikombelo.” Uli waano buyo ku . . . Walo ulalimvwa ku moyo wakwe kuti uyanda kuba a lubukulusyo, nkabela Mwami waka musololela kucicita. Elyo—elyo utamba basanduki, nkabela uli jisi mbungano, yaku babikka ncobeni anselelo, “Njeeyi mbungano yaku muunzi, ikuti na mwa njila, mwa sanduka.”

226 Elyo mbulizi bwesu, mbuli Banakristo, ku mugwasya a zintuzyonse nzo tukonzya. Alimwi Mwami alongezye Mukwesu Graham. Elyo mwa, nyoonse, mwatambwa cabulongwe ku muswaangano wa Mukwesu Graham atala awa, a kuzumizigwa kuzwide kuzwa ku mbungano eyi, a kubelekela amwi kuzwide ku kumugwasya mu nzila ili yonse njo tukonzya, nkambo ka buntu busweekede a ku Bwami bwa Leza.

227 Mwami akulongezye, Mukwesu Graham, akupe miswaangano milemu. Ta zyi ciindi naya kujala. Uli mukutalika buya. Elyo aboobo, Mukwesu Graham wakali kujisi mbuli ndime, bunji bwa ziindi *zibotu* a *zibbi*. Obo buumi mbo bweenda. Kuyo kubamba kulumba ziindi *zibotu* nokamana kwiinda mu *zibbi*. Ikuti na muntu waloka a kukkala alya, walo mukandu. Ndi jisi kaanzambwene cindi muntu akubuka a kusola alubo. Mbo mbubo. Ndili masimpe inga mwa cipandulula eco Nce wamba. Lino, muta cilubi, eyi mvwiki iboola.

228 Lino, mu Bbuku eli lya Bahebrayo, ta tuko bweza ntalisyo sunumasiku.

229 Lino, Munsondo mutobela, na Mwami wayanda, Mukwesu Neville uyo ambilizya. Mukwesu Cox awa, na umwi wabo, uyo muzibya, ikuti na twa boola mu ciindi ku muswaangano utobela Munsondo. Uyo caambilizya aa redio. Elyo tuli . . . Amu kaswiilile ku redio yakwe lino, nkabela—nkabela—nkabela muka tambe basimukobo nyokwe kuswiilila. Ndi jana lutangalo nconzyo lwa kuswiilila kukukambauka a kwiimba kwabo, kkoteeti yabana Neville. Ta ndaambi eco nkaambo kakuti uli

kkede awa. Ikuti na Nda amba eco, nkabela tii ndacikanzila mu moyo wangu, inga Ndaba sikuupaupa. Mbo mbubo. Inga Ndeempwa. Pele Nda cikanzila. Elyo inga Nda sala kumupa kakoto ka duba lya roozi lino kwiinda kusakatizigwa kwamaluba konse akumana kuunka.

²³⁰ Ciindi cimwi Nda kali kweenda ku mulyango okuya, alimwi kwakali mulindu wakasika ambali, nkabela waa kati, “Mukwesu Branham, oh, obo Mbwe botelwa oyo mulumbe!”

²³¹ Nda kati, “Nda lumba.” Kundibamba kulimvwa kabotu.

²³² Muntuumwi umbi wakasika ambali, kati, “Mukwesu Branham, Nda ubotelwa oyo Mulumbe.”

²³³ Nda kati, “Nda lumba.”

²³⁴ Kwakali mukambausi muniini alya, kuzwa atala awa mu cibeela ca kunyika ca cisi, mu cooko, wa kati, “Aleleke Leza, Ta ndiyandi bantu kuli kankaizya ali ndime mbuli boobo.”

²³⁵ Nda kati, “Nda cita.” Elyo Nda kati, “Kuli biyo lwandaano lomwe akati kangu a nduwe. Ndila syomeka kujatikizya ncico.” Mbo mbubo. Toonse tula yanda kumvwa majwi mabotu aambwa kujatikizya ndiswe. Elyo Ndi—Ndi yeeya kuti ncibotu kwaamba majwi mabotu kujatikizya ncico. Elyo ikuti na muyanda muntuumwi kwamba majwi mabotu ajatikizya ndinywe, amwaambe majwi amwi mabotu kujatikizya bamwi bambi. Eyo nje nzila ya kucita ceeco, mpawo lyonse muyo amba zintu zibotu nzo mukonzya kujatikizya boonse. Elyo eco cibamba vwili kuzunguluka kabotu.

²³⁶ Lino, muli ceeci, Munsondo mutobela, na Mwami wayanda, ku kuyeeya kwangu, tu jisi, kuya busakana maningi a kusakana maningi mu maseseke aya mapati aa Leza. Tu njila Melikisedeki: Wa Kali ni, nkukuli Nkwa kazwida, oko Nkwa kaunka, ncinzi caka citika kuli Nguwe, alimwi konse kujatikizya Melikisedeki.

²³⁷ Elyo lino, masiku ainda Bwatatu, Mukwesu Neville wakauma aa chipati cimanizya ica Buleza bupati a bupaizi bwa Mwami wesu Jesu, eco citalikila ku matalikilo, “Leza, mu ziindi zyakale a mu ziyanza zyansinsini wa kaamba ku matata kwinda ku basinsimi, mu buzuba obu bwamamanino wakanana kuli ndiswe kwinda mu Mwana Wakwe, Kristo Jesu.”

²³⁸ Mpawo wa zumanana, akutalika kulungulula a kukozyanya obo Mbwa kabede, ku Mu selusya ansi ku chipati ca 5, ku mamanino aa chipati ca 5.

²³⁹ Mpawo kutalikila a chipati ca 6, tu jisi eci ciyo cesu kuseeni oku.

Nkikaako kusiya makani aa njiisyo ya Kristo, atu yaambele ku bulondosi; . . .

²⁴⁰ Mbangaye babotelwa mulumbe aa bulondosi? [Mbunga yati, “Ameni.”—Mul.] “Atu yaambele ku bulondosi.” Oyo wali mulumbe wesu, kuseeni oku, mu chipati ca 6 ica Bahebrayo.

241 Lino tu njila buyo busena oko nko turalika ku jana i—cibeela cini. Oh, tula konzya toonse kuzuminana aa zintu ezyo: aa Buleza bwa Kristo; a Walo mukuba Mwana wa Leza; a nzila Mbwa kali antomwe a Leza, alimwi Leza wakali antomwe a Nguwe; alimwi Wa kali muli Leza, nkabela Leza wakali muli Nguwe, abumwi bumbi. Toonse tula zuminana ali ceeco. Pele, lino, kuzwida ano, Nse zyi mbo tuya kuzuminana. Aboobo kufumbwa mbo cibede, onse masiku masyoonto, tuyo mupa ciindi aku ndilembela kagwalo a kundaambila eco ncomu yeeya kujatikizya Ncico.

242 Mpawo Njo yandika kwiingula mibuzyo. Elyo ikuti na Nse konzya kwiibweza, Njo ti, “Mukwesu Neville, ino uyeeya nzi kujatikizya eyo?” Njo ti, “Ngooyo we. A yiingule.” [Mukwesu Neville wati, “Nce ciindi Nceya kubala Cigriki.”—Mul.] Mpawo nce cindi naya kubala lekisikkoni, kugusya lya Cigriki. Ndi yeeya kuti ncindi cangu kucita, ambebo.

243 Pele, lino, ikuti na twa selemuka kusinizya loko, akuboolela bukanze obo ncobeni, bwakuti, nkwiiya. Ndi yanda kwiiya, ambebo. Elyo Bbaibbele lili lembedwe, kati, “Lili . . . I Magwalo ta pandululwi ku muntu.” Eco caamba kuti Lugwalo lweelede kupandulula Lugwalo. Mwabona? Lugwalo alumwi lweelede kupandulula lumbi, lweendo lonse mu Bbaibbele, ku lubamba kuba cintu comwe cipati. Nkaambo, Leza takonzyi kucinca, nkaambo Ngu Leza utakwe bucinca.

244 Lino, “Kusiya . . .”

Nkikaako kusiya makani aa njiisyo ya Kristo, atu yaambebe ku bulondosi; . . .

245 Nda mubotelwa Paulo kaamba ezyo zintu. Paulo takali muntu wakali kuyandisya kukkalisya mu busena bomwe. Wa kali kuyandisya kuyabuya, kusakana loko. Ciindi cimwi, mu Lugwalo, wa kati, “Mebo, kuluba ezyo zintu zya kainda, Ndi bindaanina ku mbaakani ya lwiito lwaatala.” Mwabona? Ula zumanana kubindaanina.

246 Awa wa kati:

Lino kuluba makani aa njiisyo ya Kristo (oyo Mbwa kabede, obo Mbwa kabede), atu yaambebe ku bulondosi; . . .

247 Lino, swebo, lutaanzi, twali kuyanda kuzibakuti, “Sena inga twa *londoka*?” Elyo twa jana kuti, mu Magwalo kuseeni oku, Matayo 5:28, kuti Jesu wakati twa “keelede kulondoka mbubonya buyo Leza mbwa kabede,” nape ta tu kanjili.

248 Mpawo twa jana kuti twa kali obo, umwi aumwi, “kazyalwa mu cibi, kubambwa mu milandu, kaboola ku inyika ku kwaambaula bubeji.” Elyo kwakanyina cintu comwe cakali cibotu kujatikizya ndiswe, aboobo mbobuti mbu twakalino konzya kusola kulondolwa?

249 Lino nceeci nco twa jana mpawo, alya, mukubala, kubweza Lugwalo ku Lugwalo, kuti, “Jesu, ku cituuzyo comwe, wakalondola, kwalyonse, Mbungano Yakwe.” Walo...Tuli londokede mpawo, kwiinda muli Kristo. Alimwi tula angulukide kuzwa ku lubeta, kwiinda muli Kristo. Ta tukafwi, kwiinda muli Kristo. Twa kasweekelwa lufu a kujana Buumi, kwiinda muli Kristo; kutali kwiinda mu mbungano imwi, kutalikwiinda mukabungwe kamwi, kutali kwiinda mu kwiindilizya kumwi, kutali kwiinda mu kwaambaula mu myaambo, kutali kwiinda mu koongolola, kutali kwiinda mu kusukana, kutali kwiinda mu kuzyana mu Muuya, pele kwiinda mu luzyalo.

250 Leza ulabaita abo Mba yanda. Alimwi konse kwinda ku kusalwa, mbo twa kajana. Twa kajana, kuti, “Tali oyo uuyanda kufutulwa. Kutali oyo uyanda na oyo uucita; ngu Leza oyo uutondezya luse.” “Alimwi taakwe muntu uboola kuli Jesu citakuti Leza wamukwela, lutaanzi.” Aboobo ino ujisi nzi cakucita ankuko, kai? To jisi cintu cakucita a nkuko. Uli zwide mu ciimo, kumaninina.

251 Twa jana kuti muntu ta yandauli Leza. Ngu Leza uyandaula muntu. Alimwi twa jana kuti, mpawo, kuteeti Leza nko kasena kalikke ka Buumi Butamani. Twa jana kuti zintuzyonse Zitamani tazi jisi matalikilo na magolelo. Nkikaako, tu jana kuti gehena yaka jisi matalikilo, alimwi ili jisi magolelo. Elyo kuli biyo. . . Taakwe naba omwe ukonzya kusola kwaamba kuteeti gehena nja lyoonse; lyoonse, iiyi, lyoonse, pele kutali Itamani.

252 *Kwalyonse* kwalo “mwaakwe wa ciindi.” I Bbaibbele lilati, “kwalyonse a kwalyonse.” Elyo ikuti na mwali lingula akuziba na *kwalyonse* ta lyaambi “mwaakwe wa ciindi.” Jona wakati wa kali mwida lya nswi “lyoonse.” Elyo ambi Magwalo manji, *kwalyonse* lyaamba biyo, “mwaakwe wa ciindi.”

253 Pele, *Butamani*, oko, “kwalyonse”; oko nkwalyonse a kwalyonse a kwalyonse a kwalyonse a kwalyonse. Bwalo Mbutamani. Alimwi tu jana kuti gehena taili Iitamani, pele ya lyoonse. Elyo kaambo, mweelede kulangisya mabala ayo, lino. Ikuti na tamu citi, mula nyongana. Lino, amuyeeye, ezyo buyo zintu zitakwe matalikilo, nze zitakwe magolelo. Nkikaako, Jesu wati, “Oyo umvwa Majwi Angu a kusyoma Oyo waka Ndi tuma, uli jisi Buumi,” lyoonse? Sa eco cimvwika kabotu? Peepe. “Uli jisi Buumi Butamani.” Elyo bbala *Butamani* ngu “Leza.” I bbala, ndeeli mpoonya awa mu lekisikkoni ya Cigriki: *Zoe*, “Buumi bwa Leza” muli ndinywe. Alimwi muli buyo mbuli Butamani mbuli Leza mbwali Butamani, nkaambo mu jisi Leza muli ndinywe.

254 Bulenge bwanu bwakafwa, bulenge bwa nyika, nkabela mwakaba zilenge zipya. Elyo kuyandisya kwanu, buumi bwakaindi ibwa kajisi matalikilo cindi Leza nakafulida kuyoya mu mpemo zyanu, cindi ni mwakazyalwa, obo buumi bulenge bwanyama bwakafwa. Elyo bwakali jisi matalikilo

alimwi bwakali jisi magolelo, alimwi bwakafwa nkabela bwaka zimaazigwa kwa lyoonse, bulenge bwakaindi. Elyo Leza wakanjila a Bulenge bupya. Mpawo, luyandisyo, lutangalo, luumuno, kukkazikamoyo, bubotu, luumuno, lukakatilo, a lubombo, buuya, bwa kanjila; a kubweza busena bwa luzondo, a lunyemo, a nsulauko, a—a nkopelano, nzwango, a zyonse ezi zintu. Bwa katola busena bwabo, cindi nimwa kazwa ku lufu kuya ku Buumi. Mwa cimvwa, kabotu loko, lino? [Mbunga yaamba, “Ameni.”—Mul.]

²⁵⁵ Aboobo, amuswiilile. Kuli ciimo comwe biyo ca Buumi Butamani. Tula Bujana. Obo ngu, Leza alikke ujisi Buumi Butamani. I Bbaibbele lya kaamba boobo. Leza alikke ngu jisi Buumi Butamani. Elyo ikuti na muntu uyo penga mu gehena, lyoonse, weelede kuti kajisi Leza, Uutamani. Pele Nda amba kuti kuli. . .

²⁵⁶ Lino, amuyeeye, Ta ndaambi kuti takukwe gehena iisuka. Nkoili gehena isuka, mulilo a sulufa. “Oko i—ii mvunyu nkwi. . . i mulilo tuzimwi a mvunyu nko itafwi,” wa mulilo a sulufa, cisubulo. Inga watola myaka ya mabbilioni amwaanda. Pele yeledede kuba a magolelo, nkambo gehena yaka lengelwa dyabulosi a baangelo bakwe. Elyo zintuzyonse Leza nguonya, Mwini, zyakali ku matalikilo, zintuzyonse zya kazwa kwa Leza. Cindi nguonya Muuya. . .

²⁵⁷ Amubweze buyo *Muuya* wa luyandisyo, ako kakali kasensa kapati ka Leza, kanjoloma, katakwetombe. Kuzwa kuli kaako, kwakasika luyandisyo *lupilingene*. Mpawo lwakasika mu luyandisyo *lwabuntu*. Mpawo lwakasika mu luyandisyo *lwankwela*. Mpawo lwakasika muli lumbi luyandisyo, luyandisyo a luyandisyo, aku zumanana kupilingana kuyaansi mane lwa kaba buyo *busofwi*. Pele ezyo zyonse zintu zyaka jisi matalikilo. Alimwi buzubabumwi luyo jokela ncobeni nkoonya ku lutaanzi; ndwa Butamani; oko cisusi, luyandisyo lwa buntu, luyandisyo lwanguzu, lonse olo luyandisyo luyo mana.

²⁵⁸ Konse oku kulicengeezya kwa Lusyomo kuyo mana. Kuli Lusyomo lomwe lwakasimpe. Loonse lumbi luyo mana. Lwa kapilinganisigwa kuzwa ku kasensa aka keni.

²⁵⁹ Aboobo, nkikaaako, gehena, kupenga, kupenga takuli Kutamani. Kupenga kwakaletwa nkaambo ka cibi, alimwi cibi cakazibya kupenga. Elyo cindi cibi caakumana, kupenga kuyo mana, akwalo. Elyo kuyooba cindi awo basizibi, abo batakazumina Kristo, baakumana kusubulwa ndiza kwa myaka ya mabbilioni ali mwaanda, . . . Ta ndizi, ndiza kwa myaka ya mabbilioni amyaanda ili makumi. Inga nsewamba. Pele kuyo boola ku magolelo, nkaambo takuli Kutamani.

²⁶⁰ Lino, tula bindaanina ono, kutozya ku bulondosi. Lino amuswiilile, mbuli mbo tunjila Mulumbe.

. . . kutali kubikka alubo ntalisyo ya lweempo kuzwa ku milimo ifwvide, alimwi izwa ku lusyomo kuya kuli Leza,

Zya njiisyo ya lubbizyo, . . . kubikka kwa maanza, . . . bubuke bwa bafu, alimwi. . . lubeta lutamani.

²⁶¹ Lino amuswiilile. Tu jisi zyobilo. . . Tu jisi cifwanikiso awa, ono. Lino mpoonya awa tula njila mukutazuminana kumwi kupati. Lino mweelede kubona awo cifwanikiso mpo cibede. Paulo kasola, awa, kupambula *mulao* kuzwa ku *luzyalo*. Tu jisi zifwanikiso zyobilo: comwe, cakunyama; comwe, cakumuuya. Elyo paulo kasola ku—ku lwiindanya akati ka zyobilo, kutondezwa ba Juda. Olu lugwalo ndwa ku Bahebrayo. Alimwi bonse Bahebrayo basola kutondezwa cikozyanyo ca Cizuminano Cakale kukozyanya a Cipyra. Aboobo, mu jisi zifwanikiso zyobilo awa kungsi lya kulanganya.

²⁶² Lino amuswiilile kabotu mbuli mbo tubala. Lino wakati:

. . . kusiya makani aa njiisyo ya Kristo, atu yaambebe ku bulondosi; . . .

²⁶³ Lino, twa cilanganya eci kuseeni oku, obo mbo tu londolwa. Kulondolwa, kubula kaimba a kabala kumaninina, kakutakwe cibi comwe aa ndiswe. Sena mula tala lya masunko? Pee. Sa ula bisya abuzuba? Iiyi, munene. Pele, nekubaboobo, tula londolwa nkaambo tuli muli Nguwe. Elyo Leza ta kakonzya kutu beteka limbi ku cintu (taka konzwa kululama), Wa katu beteka kale muli Nguwe. Cindi Na kabeteka Kristo: Wa kandi beteka, Wa kakubeteka. Elyo Ta konzyi kundi beteka alubo, nkaambo Wa kabweza lubeta lwangu ikuti na Nda kanununwa.

²⁶⁴ Elyo Ndi jisi tiketi lya kutondezwa kuti Nda kanununa wacci lyangu kuzwa ku cintoolo cankongole, amuleke muntuumwi aijosye mu cintoolo cankongole lomwe, kakuli Ndi jisi tiketi. Nda kainununa.

Elyo ikuti na dyabulosi wasola kundi subula, Ndi jisi tiketi eelyo litondezwa kuti Nda kanununwa. Iiyi, munene. Takucikwe lubeta! “Oyo uumvwa Majwi Angu, a kusyoma Oyo waka Ndi tuma, uli jisi Buumi Butamani, nkabela taka booli ku lubeta, pele wazwa ku lufu kuya ku Buumi.” Eelyo ndi tiketi lyangu. Wa kapa cisyomezwo.

²⁶⁵ Lino, lino cifwanikiso, awa.

. . . kuta bikka alubo intalisyo zya lweempo kuzwa mu milimo ifwvide, alimwi. . . lusyomo kuli Leza,

. . . i njiisyo ya lubbizyo, . . . kubikkwa kwa maanza . . . bubuke bwa bafu, . . . lubeta lutamani.

²⁶⁶ Lino, amuyeeye. Sena mwalibona bbala lyabelesege alubo? Twa libelesya kuseeni oku, “lubeta Lutamani.” Cindi Leza nakanana lomwe, Nkwa Butamani. Ta kukonzyi kucincwa, aniini. Aboobo, lubeta Talumani, lyonse ndubeta. Elyo takukwe

makani eyo nzyalani njo tuponamo, nzyalani yomwe iyo pona, alimwi mulawo omwe uyo pona, alimwi kwalyonse, na kwa ciindi cili conse, a *ceeci* a *ceeco*. Pele lubeta lwa Leza lucili Lutamani, Ule elede kuba, nkaambo Wa kalikanana Ijwi. Cindi Leza akanana Ijwi, Lye elede kuba Litamani. Mbo mbubo.

²⁶⁷ Lino andi mubalile eco kuzwa mu Cigriki. Amuswiilile mbo cibala.

Nkikaako kusiya—kusiya makani aa njiisyo zya Kristo, Oyo wakalunga, twe elede kutonta—kutonta kuya ku i . . .

Lino, Nse konzyi ku cibala. Ta cibaliki kabotu. “Elyo kuta bikka alubo ciwa . . .” Mpaawa mpo tubede.

. . . kutali kubikka alubo ciwa ca lubambululo kuzwa ku milimo ileta lufu.

²⁶⁸ Lino, eyi lekisikkoni taili ya bupanduluzi ncobeni bumwi, pee. Ndi bbala buyo lya Cigriki kuli ceeco Chikuwa nco caamba. Elyo lya kati, “Lino ta tuyandi . . .” Amuswilile awa, mwabona.

. . . kutali kubikka intalisyo zya lubambululo kuzwa ku milimo ileta lufu.

²⁶⁹ Lino ikuti na mwa cibikka eco mu mizeezo yanu, eco nca kanana awa, kuti, “Ziwa zya lubambululo zileta lufu.” Paulo wakati, “Kusiya milazyo, kuya ku bulondosi, kutali kubikka alubo ntalisyo zya lweempo kuzwa ku milimo iifwide a lusyomo kuli Leza: njiisyo zya lubbizyo, kubikka kwa janza, bubuke bwa bafu, lubeta Lutamani.” “Ziwa zya lubambululo zileta lufu,” akali mabala aluleme. Eco ncencico cini Paulo ncakalemba. Sa mwabona eco ncasola kucita?

²⁷⁰ Lino, zyonse ezi zintu, mbuli lubbizyo: umwi wakabbizigwa cakusala, umwi kuya kumbele, umwi mu zina lya Taata, Mwana, a Muuya Uusalala, umwi mu zina lya Jesu, umwi *eyi* nzila, a nzila *eyo*, a zintu ezi zyonse ziniini zyaandene zya lubbizyo.

²⁷¹ Elyo kubikkwa kwa maanza: “Aleleke Leza, Ndi jisi cipego ca kubikka maanza. Aleluya! Ula, ula konzya ku Ci jana *eyi* nzila. Aleluya!”

²⁷² Kubikka zyoonse ezyo ambali, nkaambo milimo iifwide, olo lubambululo, kubambulula. Mwabona? Walo ukanana kkilasi imbi. Lino wa kati, “Atu zwe kuli zeezyo, akuyaambebe ku bulondosi.” Mwa Cimvwa na? [Mbunga yaamba, “Ameni.”—Mul.]

²⁷³ Elyo mbungano icimukamuka kusule lya zintu ezyo. Eyo nje nzila njo twa kali kusola kucita. I mbungano ntaanzi ya Bahebrayo yakali kusola kwaamba kuti, “Ee, Nda kabbizigwa ku kunyikizigwa, alimwi—alimwi Nda kajana *ceeci*, a *ceeci*, a zyonse ezi zintu.”

274 Wa kati, “Lino, kubikka zyonse ezyo ambali, ku zisiya kusule.” Pele, lino, sena wa kati ta tweelede kucicita? Lino amuswiilile kuliceeco ncakaamba kujatikizya ceeco.

Elyo eci tula cicita, . . . Leza azumizya.

275 Elyo Butaanzi bwa kaamba cintu nciconya.

Eci tuyo cita, ikuti na Leza uyo tuzumizya, mwabona.

Eci tula cita, ikuti na Leza watu zumizya.

276 Lubbizyo, kubikkwa kwa maanza, a zintu, pele eco ta cilondokede. Oko nkubambulula biyo kwakunyama. Elyo mpaawo mambungano mpa kasiila, sunu, mpa kubambulila oko kwakunyama. Imwi yabo yakati, “Oh, ee, maanzi, i bbala lubbizyo lyaamba ceeci alimwi lyaamba ceeco.”

277 Elyo bakayaka tubunga: alimwi imwi ilasansaila, imwi imbi itila meenda, imwi imbi ibbizya kulanga kunembo, imwi imbi kusalama, a zyonse ezyo zintu; zimwi zyabo kubikkwa maanza nkambo ka baciswa, a imwi kupanga baapostolo, a imwi kupanga basinsimi abumwi bumbi, ku kubikkwa kwa maanza; a kukambauka bubuke kuzwa ku bafu, nkabela kwalo kuli kabotu konse; a Buleza bupati bwa Kristo, konse kuli kabotu. “Pele,” wa kati, “zyonse ezi zya lubambululo lwa tulengwa. Twa kazwaa kubambulula. Lino atu unke ku bulondosi.” Mwa cibona cifwanikiso na? [Mbunga yaamba, “Ameni.”—Mul.]

278 Lino amulangilile. Mpaawa aboola cibeela cisakene lino.

Nkambo ta cikonzeki kuli babo baka munikilwa kale, alimwi ba kalabila ciwego cakujulu, a kubambwa basicaabulo ca Muuya Uusalala,

A baka labila ku ijwi bbotu lya Leza, . . . i nguzu zya inyika iiciza,

Ikuti na baleya, kuba jokolweda alubo ku kweempwa; mukubona kuti bali bambwida beni Mwana wa Leza mu nzila mpya, alimwi kumubikka ku mause aantangalala.

279 Lino, ndilizi eco basitulaolao nco mujisi mu mizeezo yanu ndyoonya lino, pele muli lubide. Mwabona? Yaa. Nda imikila ali ceeci, a Bbaibbele lila cisimpikizya, kuti, “Ikuti na Leza wakasola kufutula muntu, wa kafutulwa kwa ciindi a Kutamani.” To konzyi ku Li bamba kwaamba cintu cimbi.

280 Simbaakani umwi wakasika kuli ndime, kutali ciindi cilamfu cainda, nkabela wakati, “Nda kujata ali comwe, Mukambausi Branham. Nda kujata ali comwe. Wa kati, ‘Ikuti na muntu waka futulwa, ta konzyi kusweeka?’”

281 Nda kati, “Obo mbwa kaamba Leza.”

282 Wa kati, “Ndi yanda kukubuzya cintucimwi. Saulo wakali musinsimi, alimwi wa kasinsima. Elyo uli zyi kuti wakali munanike wa Leza. I Bbaibbele lya kati mbwa kabede. Elyo wa kalijaya, nkabela wa kasweeka.”

283 Nda kati, “Wa kali obo?” Nda kati, “I Bbaibbele lilungulula kuti wa kali ‘futwidwe.’ Nakama kuba sinkondo nyina a Leza, wa kacili futwidwe. I Bbaibbele lya kaamba kuti wakali boobo. Elyo, akwalo, ta kalijaya pe. Ii Mufilisiti nguwa kamujaya, nkabela Davida waka mujaya Mufilisiti nkambo kaku mujaya. Wa kawida aa cceba lyakwe, sumo lyakwe, cceba, pele, wa kacita. Tii lya kamujaya. Elyo Mufilisti nguwa kamujaya. Elyo mpawo cindi Saulo naka selemukila ku mulozi, nkabela wa kaita muuya wa Samueli nkaambo takalina njila mu Bulemu, wa kali mu paradaiso kungsi lya bulowa bwakatilwa ibwa bacende a mpongo obo bwata kali kukonzya kugwisya cibi. Pele wa keelede kuba a busena bwakulindila, obo butegwa paradaiso, kusikila wa kanjila.”

284 Awo ba Katolika mpo baka nyonganina. Mwabona? Lino, takucikwe paradaiso lino. Tu unka kugama mu Busyu bwa Leza.

285 Elyo cindi mulozi wa ku Endori bakaita atala muuya wa Samueli, ngooyo wa kaimikila. Elyo wa kavundamika busyu bwakwe, nkabela waa kati, “Nkaambonzi wa ndeena?”

286 Alimwi kutali buyo Saulo wakaimvwi alya . . . Nda amba Samueli, mu cikobela cakwe ca businsimi, wa kacili musinsimi. Wa kati, “Nkaambonzi wa ndiita kuzwa mu kulyookezya kwangu,” kati, “mukubona kuti waba sinkondo nyina a Leza?”

287 Wa kati, “Ee, Urimu tau kaambauli limbi kuli ndime. I musinsimi ta cikonzyi kusinsima kuli ndime. Akwalo Nse cikonzyi kuba a ciloto.”

288 “Ee,” Samueli wakati, “wakaba sinkondo kuli Leza. Pele juunza nkondo iyoenda nzila imbi, nkabela uyoofwa juunza. Elyo kusika ciindi eci, masiku juunza, unooli a ndime.” Ikuti na Saulo wakali sweekede, awalo Samueli, nkambo bakali antoomwe. Cilimasimpe. I Bbaibbele lya kaamba obo.

289 Lino, ula konzya kunyanyamukwa konse mu kulimbwa, ku kwaambaula mu myaambo, koongolola, kunyukula, kusukana, kuzuza atala ansi lya kazila. Taakwe kulwana ceeco. Pele ula konzya kulibamba lwako kuti waka futuka kakuli toli obo, to futukide. Buumi bwako buyo tondezya mbobede. Jesu wakaamba kuti, “Ku micelo yabo muyo baziba.” Buumi bwako buyo tondezya naa waka futulwa na pe, ikuti na tona jula mulomo wako. Kuyo tondezya obo mbobede.

290 Pele konse oku kunyanyamukwa a kulimvwa a kusangana mbungano, “Elyo Nda kabbizigwa mu Zina lya Jesu, aleluya, Ndi lizi Nda ka Utambula,” eco ta caambi cintu.

291 “Nda kabbizigwa, mu zina lya Taata, Mwana, Muuya Uusalala, busyu kumbele, ziindi zyoatwe. Nda ka Utambula.” Eco ta caambi cintu.

292 Paulo wakati, “Atu yaambele ku bulondosi lino.” Twa ambaula kulondolwa. Alimwi ikuti na tu tobezeye eci ansi,

muyo ziba, iba kalondolwa mbaabo Basale. Nda citondezya kuli ndinywe, mu maminiti masyoonto, kwinda mu Bbaibbele. Mbaabo abasle abo Leza, kuzwa kumalengelo aa inyika, waka babona bonse babo. Elyo Wa katuma Jesu kuzo nununa bantu abo, kutali inyika mboizulwa. Wa kali kuyanda, pele Wa kacita kubamba nzila ya baabo. Alimwi nzila biyo Nja kakonzya kucita, yakali ya kutuma Kristo; kuti Ka konzya kusika, mulungo wa zibi zyesu, kuti abo mba kasala, Ka konzya kubaleta kuli Nguwe, mu Bulemu.

²⁹³ Sa inga mwezezya Leza keendelezya mulimo Wakwe cabuzabala kapati, mbuli kwambakuti, “Ee, ndiza muntumwi uyo yeeya bubi loko kujatikizya Ndime, ndiza bayo boola ku futulwa”? Leza taelede kulombelela ndinywe kucita cintu. Kufumbwa kulombelela, mwelede kulombelela, kutali Leza.

²⁹⁴ Elyo mpawo, Kristo wakafwida kufutula baabo Leza, ku kuzibakale, mbakasalide kuyo Mu swaana kutala kakutakwe kabala na kaimba. Kuzwa ku malengelo aa inyika, Wa kali kubwene mu Bulemu. Obo mbo lya kaamba Bbaibbele, Baefeso, chipati ca 1. Chipati ca 5, kampango ka 1. Leza wakakanza kwinda kukuzibakale.

²⁹⁵ Lino, ikuti na Leza wakacita ceeco, ku tukanza kuzwa ku malengelo aa inyika; alimwi wakali muzyi umwi aumwi wesu ku zina, kuzwa ku malengelo aa inyika; aku Tusalila Buumi Butamani; a kutuma Jesu Kristo kuzo tunununa; eyo, myaka yakainda ili zyuulu zili cisambomwe, Wa katubona, kutegwa tu kalibonye ku kulumbaizya Kwakwe mu Bulemu! Mbobuti mbo mukonzya kusweeka?

²⁹⁶ Lino, ikuti na wa kafutulwa, wa kafutulwa. Ikuti na Leza waku futula sunumasiku, kazi kuti Uyo kusweekelwa myaka ili kkumi kuzwa sunu, Walo uzunda bukanze Bwakwe Mwini; mupatikampatila, Singuzyonse, Uutamani, busongo buteeli, Leza, tazi kunji mpawo kuziba naa uyo jatilila na to kaciti. Mpawo, cindi Aku futula, akuti, “Ee, Njo mupa kusolekwa, akubona eco ncayo cita,” nkokuti Ta zyi mangolelo kuzwa ku matalikilo. Leza uli zyi eco Nca cita, muta libiliki kujatikizya ceeco. Kwalo ndinywe a Ndime notu tamvwisyi munzila. Leza uli zyi eco Nca cita. Alimwi Wa kalizi swebo . . . naa nitwa kajatilila, na eco nco twa kalino yocita.

²⁹⁷ Lino, Bbaibbele lya kaamba kuti, Esau a Jakobo, naba omwe kataninga kuzyalwa, Leza wakati, “Nda muyanda umwi, a kusulaika umwi umbi,” kabatana nokuba kuyeeya kuyoya kwabo kutaanzi, kuti kusala Kwakwe kakukonzya kwiima kasimpe.

²⁹⁸ Wa kalini Abrahamu? Tula sika kuli nguwe mu maminiti masyoonto, anselelo awa. Wa kalini, cakuti Leza kamwiita? Kumufutula kakutakwe cintu. Leza wabamba cipangano a muntu; muntu watyola jepangano cakwe. Pele Leza wakabamba

eci Cipangano kuli Lwakwe, akukonkezya kuli ncico, kuli Lwakwe. Muntu ta jisi cintu caku cicitya. Nkuzibakale kwa Leza mwini. Wa kacicita, nekuba.

²⁹⁹ Lino, yebo wati, “Ee, Mukwesu Branham, mpawo ikuti na Ndaba Munakristo, sa inga Nda cita cintu cili conse Nce yanda?” Nconzyo. Ikuti na uli Munakristo, kucita kufumbwa nco yanda. Elyo Njo kupeda kaanzambwene, tokabi akuyandisya kumwi kwa kucita cilubide. Kocita kufumbwa cintu. Nda kacita lyonse eco Nce kalikuyanda. Elyo ikuti na Nda belekela Mwami nkaambo kakuti Ndi yoowa kuya ku gehena, Nse Mu belekeli kabotu. Ikuti na Ndi pona bululeme ku mukaintu wangu nkaambo Ndi yoowa kuti uyo ndileka, Nseli mulumi uli kabotu loko. Pele inga Nse munyonganya kakutakwe kaambo, nkaambo Ndila muyanda.

³⁰⁰ Eyo nje nzila kuli Kristo, cindi muntu azyalwa ku Muuya wa Leza. Kutali kuti wa koongolola, waakanana mu myaambo, na kulimvwa kumwi; pele mu moyo wakwe, luyandisyo lwaka njila a kutola busena bwa inyika. Nda mwaambila, ula Mu yanda. Walo uleenda muni Lyakwe, abuzuba. To elede kumwaambila kuti, “Ta ciluleme kucita *ceeci*, na *ceeco*, na *i cimbi*.” Walo uli zyi kuti ta ciluleme. Elyo walo uleenda, walo ncipange cakasalwa aa luzyalwa lwa Leza lupatikampatila. Nconzyo.

*Nkambo ta cikonzeki kuli baabo ba kalabila kale, . . .
kabambwa basicaabilo ca i . . . kwiitwa kwa kujulu . . .*

Lino, ziindizimwi tu syoma kuti oyo muntu waka munikilwa lomwe nkabela wakazwa alubo, pele Bbaibbele tali caambi boobo. “Calo ta cikonzeki kumaninina ku muntu,” ulaamba awa, “kuti waka tambula Muuya Uusalala, kusola kuwa.” Lino amu cibale a kuziba obo ikuti na ta ciluleme. Amulangilile awa, amubweze cibalo, cibalo conse, a zilimukati, ciyo, mubwini.

³⁰¹ Lino walo utalika kwaambaula, ino ncinzi? “Atu unke ku bulondosi.” Lino, wa kati, “Kutali kwakunyama, kubikka ntalisyo awa ya njiisyo a lubbizyo a lubambululo, abumwi bumbi. Tu taciti ceeco. Katuya ku bulondosi.” I ciyo ca *bulondosi*, alimwi bulondosi busika kwindi kuli Kristo. Alimwi ni nzila nzi mbo tunjila muli Kristo? Ku kusangana mbungano na? “Kwiinda ku Muuya omwe toonse twa kabbizigwa mu Mubili omwe.” Kutali ku: komwe, kwaambaula kwa mwaambo; komwe kusukana maanza; komwe, kubbizigwa mu maanzi. “Pele kwiinda ku Muuya omwe tu la bbizigwa mu Mubili omwe.” Mwa cimvwa na? Obo mbo bulondosi.

³⁰² Elyo cindi wa boola muli Ceeco, uli muli Kristo, nkabela inyika ilifwide kuli nduwe. Elyo weenda Kabelele amwaka, nkabela intaamo zyako zilailwa a Leza, eco cakucita. Oh, masunko a kusolekwa nko twiindamo! Nywebo mwati, “Sena ulaba a kusolekwa?” Iiyi, munene. Ino nci . . .

303 Luzyalo nceeco Leza nca kandi citila, milimo njeeyo nje citila Leza. Lino, bayo bamba njiisyo kuzwa kuli ceeco, ba yeeya kuti milimo nje ikuletela kujana bweelelo bwako. Ikuti na njiisyo, tacili cipego citaulwi. Luzyalo nceeco Leza nca kamucitila, “Ku luzyalo mwa kafutulwa.” Elyo milimo njeeyo nco mucita mu kulumba kwa luzyalo Ndwa kamutondezya. Elyo ikuti na mula Mu yanda, ula botelwa kucita milimo ya Mwami. Nincobeni, nkaambo, mpawo, mula—mula Mu yanda.

304 Kuzumina Meda Broy, mbuli mukaintu wangu, nceeco luyandisyo ncolwa kamucitila. Eco nca cita, mukulumba: walo mwanakazi mubotu, ula kkala ku ng’anda, ula bamamela bana, a kupona buumi bubotu bwakasimpe. Oko takuli kuti tuli kwetene; tuli kwetene. Pele ula cicita eco mu kulumba. Ikuti na waselemukila ku tauni, abuzuba, a kunjila mu cintooleo acimwi ca teeni seenti, alimwi atala ansi lya tugwagwa, akutasola kusanzya midisshi, na kufumbwa cintu cimbi, tu cino kwetene. Nincobeni. Cindi Ne kabweza cikonke cangu, eco cacacibamba. Walo mukaintu wangu. Kufumbwa kuti kakuli buumi muli ndiswe, walo mukaintu wangu. Eco ncikonke cakwe. Pele oko nkulumba nkwa citila ceeco: ula kkala aa ng’anda, akumamela bana, akusola kuba mukaintu wini.

305 Inga ndazwa a kutabako kwa ciindi coonse, kutuntulika buyo koonse ku cisi, aku mulekela kufwa nzala aniini, na kufumbwa cintu, kulekela bana kweenda kaba takwe cintucimwi cakulya; tu cino kwetene. Ikuti nokuba wandi leka, Ndi cino kwete, kufumbwa kuti kakuli buumi mu mubili wangu. Nda kacita cikonke eco, “Mane lufu luka twandaanye.” Mbo mbubo. Tu cikwetene. Pele, nekubaboobo, Nda cita ntamizyo iitaakweankoiya ku mulumi. Inga wacita ntamizyo iitakweankoiya mbuli mukaintu. Aboobo ikuti na katu yandana, tuno jatana antoomwe a kukwela mukuli, antoomwe.

306 Eyo nje nzila Leza a Mbungano Yakwe mbobabede. Cindi wazyalwa mu Bwami bwa Leza, kuyooba ziindi *zibotu* a *zibbi* nconzyo, pele ucili Munakristo, ucino zyedwe ku Muuya wa Leza. Leza kwayanda inga waku gusya mu nyika cakufwambaana.

. . . ta *cikonzeki kuli baabo balo ba kamunikilwa kale,*
a ku labila. . . i cipego cakujulu, . . .

. . . ku sola *kuwa, kuli jokolweda beni alubo ku*
lweempo; . . .

307 Lino, Ndi lizyi oko nkomu yeeya kujatikizya, mbungano. Andi bweze yomwe buyo canguzu loko aniini, kutegwa i—i lubazu wa tulaolalo inga lwaumuna ncobeni. Atu unke ku Bahebrayo, chipati ca 10, a kulanga eci aniini buyo.

308 Chipati ca 10, kampango ka 26.

Nkambo ikuti na twa bisya acaali kwamana. . . twa
tambula luzibo lwa bwini, takucikwe limbi cituuzyo ca
cibi,

Pele masimpe kulangila kuyoosya...kwa i lubeta a bukali bupati, obo buya kunyonyoona mulwani.

Oyo waka sampaula mulao wa Musa wakafwa kakutakwe luse kungsi lya bakamboni bobilo na botatwe:

Ino ncipati buti kwinda cisubulo, nekuba kweelede... nekuba kweelela, ...kulyataula i...oyo wa kalyataula kungsi lya cituta ca Mwana wa Leza, alimwi wa kalanganya bulowa bwa cipangano, muli ncico mwa kasalazigwa, kuba cintu citasalali, alimwi...waka sampaula ku i milimo ya luzyalo?

309 Lino nywebo mwati, “Ino kujatikizya ceeco, Mukwesu Branham? Mbobuti eco mbo cilibonya?”

Lino, amu bale buyo, Ndi yeeya kuti, “I Lugwalo ta lwaambi ceeco.” Oko takuli kwaambaula makani a Munakristo. Oko nkwaambaula makani a muntu wakamvwa Ijwi nkabela waka Li futatila. Mwabona?

Ikuti na twa bisya...(Niinzi cibi? Kutasyoma)... ikuti twa unduluzya acaali kwamana makanimabotu ku kambaukwa kuli ndiswe, takucikwe limbi cituwuzyo ca cibi,

310 Niinzi cibi? Kutasyoma. Amubale Musalali Johane, chipati ca 4. Jesu wakati, “Oyo uuta syomi wa betekwa kale.” Cibi takuli kufweba, kunywa, kucita mamambi. Ula cita eco nkaambo uli sikutasyoma. Obo mbube buyo. Ula cita eco nkaambo uli sikutasyoma. Kuleka buyo kufweba, kuleka kunywa, azimwi mbuli ezyo, eco ta caambi kuti uli—uli Munakristo. Obo mbube buyo bwa kusanduka kwako. Pele, ula konzya—ula konzya kucita lubazu lumwi, elyo nekubaboobo kotali obo.

311 Lino amubone.

...oyo uunduluzya acaali kwamana kuti wa...

312 Kutali—kutali, “Na kamana kutambula Kristo mu moyo wakwe.” I Bbaibbele ta lyaambi obo. Kati, “Oyo wa...”

... ikuti na twa bisya acaali, kuunduluzya acaali, kwa mana...twa tambula luzibo lwa bwini,...

Mwa cimvwa? Ta kali kwaambaula ku Munakristo, pee.

313 Umwi mwanakazi wakandi sikila, kutali ciindi cilamfu cakainda, nkabela wakati, “Mukwesu Branham, Ndili Munakristo, pele Nda kasanka Muuya Uusalala.”

314 Nda kati, “Taku konzeki.” Ii Munakristo takonzyi kusanka Muuya Uusalala. To konzyi kucicita. Ii muuya wa Munakristo ulapa bumboni a Muuya wa Kristo. Mwabona? Elyo uya kwiita, zintuzyonse zya Leza, “zya Leza.”

315 Pele ikuti na uli simizeezo yakunyama, uya kufubaazya a kuseka Muuya Uusalala; Ta ndikwe makani kunji nkounka ku cikombelo, ucili sizibi, alimwi usanka Muuya Uusalala. Cindi

niba kabona Jesu katweluka miyeeyo yabo, ba kati Wa kali “musondi.”

³¹⁶ Jesu wakati, “Mwa . . . Ndila mujatila kuli ceeco, pele cindi Muuya Uusalala waakusika, na muka Usa mpaule, taku kajatilwi kuli ndinywe.”

Nkambo, ba kati, “Walo ujisi muuya uutasalali,” kwiita Muuya wa Leza, “cintu citasalali.”

Ii Munakristo takonzyi kucita ceeco. Ii Munakristo lyoonse uyoita Muuya wa Leza kuti, “Mbululami.” Mwabona? Ii Munakristo takonzyi kusanka Muuya Uusalala. Ngoyo waanze ngu sanku.

³¹⁷ Abo tiiba kali Banakristo bakaimvwi alya. Ba kali bantu bakombi, ba kali ba Juda ba Orthodoxisi, bamaiyi balwiiyo lwabuleza, abamwi bambi, elyo ba kali ku Mu fubaazyu a milimo Yakwe, kabaita milimo ya Leza, kuti, “Wa kali muuya uutasalali wakali kucicita.”

³¹⁸ Elyo mbangaye mbo muyeeya sunu kuti basanka Muuya Uusalala, abo baka jisi ma D.D.D., Ph.D. aa mazina abo? Mbangaye balemu, ba Orthodoxisi, ba Katolika, ba Protestanti bayumu, beenda mu tugwagwa a kufubaazyu bubelesi bwa Muuya Uusalala, mbuli buyo basicikolo bapati bakalondolwa, a basongo mbuli kweelede? Yaa. Pele ba fubaazyu Muuya Uusalala, elyo nkikaako bala Usa nka.

Pele Munakristo wakazyalululwa takonzyi kucita ceeco. Uya kwaamba kuti, “Oyo mukwesu wangu. Oyo Muuya wa Leza muumi.” Mbo mbubo. Ii Munakristo takonzyi kusanka Muuya Uusalala.

³¹⁹ Ngu sizibi nguusanka Muuya Uusalala; uutasyomi, *sizibi*, ii “uutasyomi.” Kuli zintu zyobilo biyo: yebo uli musyomi, na uutasyomi.

³²⁰ Lino, amubone awa, kuamba eci kumanizigwa kabotu loko. Nda kajisi cilengaano cakandi penzya lyonse. Myaka yakainda Nda kali kucilanga eco. Nda kati, “Oh, ikuti na muntu wakatambula lomwe Muuya Uusalala mpawo, elyo mpawo wakawa, na kasweeka kwa lyoonse.” Nse kakonzya kubamba eci kupanga kuyeeya kuli kabotu a ceeco.

³²¹ Nda kati, “Mpawo nkaambonzi Bbaibbele lya kaamba, kuti, ‘Oyo uumvwa Majwi Angu a kusyoma Oyo waka Ndi tuma ujisi Buumi Butamani, Butamani, nkabela taka booli ku lubeta, pele wakazwa ku lufu kuya ku Buumi. Bonse Taata mbaka Ndi pa bayo boola kuli Ndime, alimwi taakwe wabo uyo sweeka, Njo mubusya ku mazuba akumamanino. Taakwe muntu unga wabagwisya kuzwa mu janza Lyangu?’ Ino eco cipambukana buti a ceeci? Nse konzyi buya ku cimvwisya. ‘Ta kukonzeki kuli babo baka munikilwa lomwe.’” Nda kayeeya, “Kuli cintucimwi cilubide. Nse konzyi buya kucimvwisya.”

Elyo Nda kaunka ku muswaangano muniini wa Pentekoste, myaka yakainda.

³²² Takukwe umwi usyeede mu mbungano, Nda yeeyela, sunumasiku, oyo uyeeya. Myaka yakainda, eci akwalo cakali kutandila buyo kuba ciindi cikombelo nicakayakwa. Citakuti, waba Mukwesu Graham kusule okuya, na muntuumwi. Ta ndizyi, wakali okuno lutaanzi, na pe, bakwesu. Mukwesu Mahoney, Ndi yeeya kuti, wakali nguwe. Inzya. Kwalo Nke tana kwata.

³²³ Eco cipego cakali kubeleka, Nda kali yoowede. Ba kandaambila kuti cakali ca dyabulosi. Nse kazyi mane Angelo wa Mwami naka ndaambila.

³²⁴ Nda kaunka ku Mishawaka, nkabela Nda kakkala mu muswaangano oyo, alimwi Nse kalina kumvwa kunji kwa koongolola a kulila a kulumbaizya Leza. Nda kayeeya, “Mukwesu, eli ndi Julu.” Elyo, oh, obo mbo bakali kusotauka mujulu ansi.

³²⁵ Ba kacita kuba anguwo Kuyiika, ku aambo ka lusalululo lwamibala. I basiya a bamakuwa bakali antoomwe. I P.A. ya W. a P.A. ya J.C. yaali kamantene ncobeni akuba Pentekoste Ikamantene. Pele ino lwakali lubukulusyondo baka jisi, akuya ku cikombelo ca Mukwesu Rowe ku Mishawaka. Elyo Mebo, mulombwana muniini sikuyanda kuzibisya, nke kkede mu cuuno camusule, kali kulangilila zyonse ezi. Nse kalina bona zintu ezi pe.

³²⁶ Kwakali mwaalumi wakakkede awa...Nsena kwaamba ceeci ku buleya. Kwakali mwaalumi waka kkede ku lubazu lumwi, nkabela mwaalumi ku lubazu lumbi, elyo umwi wa kaamba mu myaambo, nkabela umwi wa kaipandulula. Elyo bakali kunga baamba zintu zyandeene zyakali kucitika. Mpawo, *oyu* umwi wakanana mu myaambo, elyo *oyo* umwi wapandulula. Nda kayeeya, “Ma, sa eco tacili cibotu loko!” Nda kayeeya, “Mbocili cabulemu! Balo beelede kuba Baangelo, baseluka mu ciimo ca bantu.”

³²⁷ Ee, Nda kajisi biyo dollar lyomwe a maseenti osanwe, akubelesya kusika ku muunzi, elyo Nda—Nda—Nda kalikukonzya buyo kuula tanki lya mungwimba. Nda koonu mu muunda wamapopwe masiku ayo. Ndi jisi cibeela cancico mu bbuku, pele kutali conse cancico, nkaambo Nse kali kuyanda kucisa kulimvwa kwabo. Elyo aboobo, obo busiku, ba kati, “Bonse bakambausi baboole ku cibumbili.” Nda kali aa cibumbili. Nda kali mukambausi muniini kwiinda wakaliko eelyo.

³²⁸ Aboobo, cifumo cakatobela, baka ndilomba kukambauka. Nda kayuba. Nywebo mulizi, muntu uusiya wakati, “Ngooyu awa.” Mula kayeeya kaano ka ncico, cindi na kandi yutulula nke kkede alya.

329 Elyo aboobo kumane kukambauka buzuba obo, kweendenda konse, Nda kayeeya “Ikuti Nda konzya buyo kusika kuli baabo baalumi bobilo.” Ba kausololela muswaangano. Umwi wakali kunga wabuka akutuba ku meso; wa kali kunga waamba mu mwaambo. Elyo umbi wakalikunga wa upandulula, a kupa mabala akuti, “MBUBOOBU MBWAAMBA I MWAMI, ‘Kuli muntu uli *boobu-boobu* ano, wa zina lya *boobu-boobu*, oyo welede kucita *ceeci* a *boobu-boobu*.” Mukwesu, bwakali bwini. Elyo umwi umbi wakali kunga wabuka a kukanana mu myaambo, elyo wa kali kunga wapandulula.

330 Nda kayeeya, “Oh, ma, sa eci tacili cibotu loko!” Aboobo, buzuba obo, Nda kayeeya, Nda kaunka kubusena kuyo komba. Nda kayeeya, “Mwami, Ko cicita eco kuli ndime alubo.” Nse kazyi nzila ya kuciita, zilengaano.

331 Nda kaunka kubusena kuyo komba, a kulomba Mwami kundi gwasya. Nda kazunguluka buyake, alimwi Nda kacitika ku bbutukizya umwi wabo. Lino, Mwami waka ndipa nzila ya kuziba zintu. Nda kasukana janza lyakwe. Nda kati, “Wapona buti?”

Wa kati, “Wapona buti? Nduweni zina lyako?”

Elyo Nda kati, “Branham.”

“Oh,” wa kati, “uli mulombwana mukubusyi wakambauka kuseeni oku.”

Nda kati, “Iiyi, munene.”

332 Kuciindi Ne kajisi mubandi anguwe, Nda kajata muuya wakwe. Elyo wa kali Munakristo wakasimpe, Munakristo unjoloma ncobeni, mukwesu. Nda amba, wa kali musyomi. Nda kayeeya, “Oh, sa eci tacili cibotu loko!”

333 Elyo kutandila oora kuzwida awa, kubusena okuya munsilya mootokala, oyo wakali kulanga a mootokala mupati ncobeni, kajisi “Jesus Only” kakulembedwe kusule lya nguwo, nkabela kwa kaimvwi muntu umbi alya. Elyo Nda kaunka kubusena nkabela Nda kati, “Wapona buti, munene?”

334 Wa kati, “Wapona buti?” Kati, “Uli Mukwesu Branham, oyo wakanana kuseeni oku.”

335 Nda kati, “Iiyi, munene. Ndime.” Nda kati, “Yawe, Nda zibotelwa zipengo zya Leza zibeleva muli ndinywe nyobilo bakwesu.”

336 Wa kati, “Nda lumba, Ba. Branham.” Elyo Nda katalika kumvwa muuya wakwe. Ii cilengaano cakasika. Elyo ikuti na Nda kasola kwaambaula kuli sikuupaupa, ngooyo wakali umwi wabo. Mukaintu wakwe wakali mwanakazi wakajisi masusu aasiya. Wa kali kupona a mwanakazi wakajisi masusu atubuluka kumutwe, waka jisi bana bobilo kwinda kuli nguwe. Ta kali a Munakristo kwiinda cimwi mu inyika.

337 Mpawo Nda kati, “Ino Nda njila munzi? Nda kali kuyeeya kuti Nda kali mu Baangelo, elyo lino Nde elede kuba mu madaimona. Cintucimwi cakacitika. Ngooyu umwi, Munakristo wini; elyo Muuya nguonya kauwida aa muntu *oyu*, wakali kuwida aa muntu *oyu*.” Nda kati, “Lino Nda nyongana kumaninina.” Nse kazyi cakucita. Nda kalila a kulombelela, ku Mwami. Nse kazyi eco cakuzumina.

338 Ba kali kutandila kundi. . . Buzya ikuti na Nda “katambula Muuya Uusalala?” oyu mulombwana wakacita. Elyo Nda kati, “Peepe, munene, kutali munzila njo ujisi.”

Kati, “Sa wakasola kwaamba mu myaambo?”

Nda kaamba, “Peepe, munene.”

Kati, “Nko kuti to Ujisi.”

339 Aboobo Nda kati, “Antela uli luleme, mukwesu wangu. Ndiza Nse jisi, nkaambo Nse cijisi eco nco jisi.” Elyo nikwaaında kaindi, Nda kakkomana kuti Nse kajisi.

340 Aboobo mpawo Nda kacilangilila eco, elyo Nda kabona nzila eco mbo cakali kweenda.

341 Aboobo, buzuba bumwi, Nda kali okuno kubusena nke komba, ciindi cilamfu cakainda. Ndila mwaambila kaambo, oyo Ngwe kali kukombela, wakali Roy Davis. Elyo Nda kali okuno kubusena nke komba, nkaambo wa kandiita kuti “sikutontaikwa,” elyo Nda kali kukomba kuli Leza kuti kamujatila kuli ncico. Elyo wa kajisi muncini upulinta kaindi okuya, wakalemba mutende. Elyo oyo muncini uupulinta wakajata mulilo a kupya kumaninina, masiku masyoonto kwiinde ceeco, kuciindi nibakali kuubelesya.

342 Elyo aboobo Nda kaliimvwi kusule okuya mu mpanala yakaindi kunze lya Green’s Mill. Nda keenda kuya kokuya. Elyo Nda kali kukomba, kali kuuule okuya, mazuba obilo. Nda kabikka Bbaibbele lyangu aa citanda cakaindi, awo, Nda mutondezya Mukwesu Wood, kutali ciindi cilamfu cakainda, kabikka Bbaibbele lyangu ansi. Nda kakkala mauulu kalengelela a citanda. Elyo muuwo wakaunga. Nda kayeeya, “Kali kaindi loko, kujokela mu mpangala eyo, Nda kabala buyo aniini.” Aboobo Nda kabweza Bbaibbele a kutalika kubala, elyo eyi yakali chapita mpo cakabede. Ee, Ndakatalika kubala, elyo Nda katalika gugambwa mpawo. Mwabona?

Nkambo ta cikonzeki kuli baabo baka munikilwa kale, . . . kabambwa kuba basicaabilo ca Muuya Uusalala,

. . . bakalabila ijwi bbotu lya Leza, alimwi. . . i inyika iiciza,

Ikuti na ba kawe, kuli jokolweda beni. . . ku lweempo; mukubona kuti bala libambwida beni Mwana wa Leza cabupya, alimwi kumubikka ku mause aantagalala.

343 Nda kayeeya, “Ndoolo Lugwalo olo.” Pele cintucimwi cila kkala a ndime. Mpawo Nda katalika kuyeeya, “Mpaawa mpa kaambaula kaindi okuno, ku matalikilo, ‘Kutali kubikka ntalisyo iifwide ya lweempo, kumatalikilo. Kutali kubikka ntalisyo ya lweempo,’ elyo mpaawa ulati, ‘Kulibukulusya beni kujokela ku lweempo. Pele atu unke ku bulondosi, kubikka zintu ezi ambali.” Mpawo Nda katalika kubala. Mpawo Nda kabala kampango katobela.

Nkambo nyika eyo inywa ku mvula eyo iboola ali njiyo kanji, a kuzyala micelo kuli mbabo baliminwa kuti bakondwe, balatambula zilongezyo kuzwa kuli Leza:

Pele ezyo zizyala maamvwa a ziyasabavwimi zila kakwa, nkabela zili mumsi ku kusinganisigwa; mamanino azyo nkuumpwa.

344 Elyo cindi Ne kabala eco, Cintucimwi cakandi zungaanya ncobeni. Elyo Nda kayeeya, “Mwami, eco tacijatikizyi Roy Davis. Nkaambonzi Nco nga wacita ceeco?”

345 Nda katalika, kuvununa peeji limbi. Nda kacita kujokela kuli Ndilyo, alubo, “Ta cikonzeki kuli baabo baka munikilwa lomwe,” kwiinda muli Ncico alubo.

346 Mpawo Nda kayeeya, “Mwami, niinzi eci? Ino Upa ndulula nzi, Mwami?”

347 Elyo Nda kanyona a kujokela mu mpangala yangu, ku Ci kombela. Elyo mpawo cindi Ne kacita, Nda kabona inyika kiizunguluka. Elyo yakalilimidwe koonse, kabotu loko, inyika mboizulwa. Elyo Nda kabona muntu mu cituba, kazunguluka, wa kajisi bbeeke mu janza lyakwe. Wa kali kumiza mbuto mbuli mba kali kuya buzunguluka. Wa kazunguluka mubalo ya nyika. Elyo mbwa kamanina buyo kuzunguluka, mpaawa kwakasika mulombwana wakasamide mu zisami zisiya ncobeni, muntu wakali mucenjezu, kasobelela ambali mbuli *boobu*, kalanga. Elyo wa kajisi mbuto. Alimwi wakali kuwaala cintucimwi kunze lyakwe, mbuli mbwa kali kuzunguluka nyika; kalangilila bantubonse a kuwaala. Nda kaimikila a kucilangilila cilengaano.

348 Nakamana kuunka, inyika ya kazunguluka, elyo kwakali zisyango, zipati ncobeni, nkabela zyakali zya whiiti. Alimwi kwakali nsaku, nsoke a zintu mu whiiti.

349 Mpaawo kwakasika cilanga. Elyo, oh, obo eyo whiiti niini mboya kanongomeka mutwe wayo muniini atala, elyo yakafwa nyota ya maanzi. I nsoke niini yaka nongomekede mutwe wayo, nkabela yakali kufwa nyota ya maanzi. Onse wakali kukombela mvula. Elyo kwiinde kaindi, ambali kwakasika kkumbi pati nkabela lya katila meenda aa nyika mboizulwa. Elyo nsoke niini yaka sotoka, akutalika koongolola, “Bulemu kuli Leza! Aleluya! Alumbwe Mwami!”

350 Elyo whiiti niini, yaka sotoka mujulu, katalika koongolola, “Bulemu kuli Leza! Alumbwe Mwami!”

351 Elyo mpawo Lugwalo lwaka ndisikila, olo lujanwa mu Bbuku lya Matayo, chipati ca 5 a kampango ka 45. Elyo amuswiilile eco Jesu nca kaamba, muli Matayo 5:45. Elyo amuswiilile kabotu lino mbuli mbo tubala. Matayo, chipati ca 5 a kampango ka 45, ka 46; ka 44, ku katalika.

Pele Nda mwaambila kuti, Amuyande basinkodo nyokwe, amubalongezye abo basinganya, a kucita zibotu kuli baabo bamu sulaika, a kuba kombela abo bamusampaula, a ku mupenzya;

Kutegwa nywebo mube...kwiita...nywebo mube bana ba Taata wanu uuli ku julu: nkambo ula bamba zuba lyakwe kupasukila aba...babi alimwi aa... babotu, alimwi ula tuma mvula aa baluleme a...i bataluleme.

352 Aboobo, nywebo mwabona, mvula njionya iicitya whiiti kukomena, nji komezya nsoke. Elyo, nkikaako, Nda kajana cifwanikiso. Ngooyo sikulyaambilila wanu akunyama, uli moonya mu mbungano. Pele micelo yakwe...Inga woongolola, kusotauka, kuzyana, kukanana mu myaambo; pele micelo yakwe: walo ni nsoke. Elyo ngooyo umwi umbi, uujisi Muuya nguwenya. I Muuya Uusalala inga walokela moonya mu cikama ca bantu, a sikuupaupa inga woongolola, kwinda ku Muuya Uusalala, mbubonya buyo mbuli nsoke mboi konzya kuponena ku mvula yaka tumwa. Ncencico Paulo neakali kwaamba awa. Pele ta cikonzeki ku nsoke kuba whiiti, na whiiti kuba nsoke. Mwa cimvwa na? [Mbunga yaamba, “Ameni.”—Mul.]

Nkambo ta cikonzeki kuli baabo balo ba ka munikilwa kale, alimwi bajisi...kalabila zya cipego ca Muuya Uusalala,

Elyo...labila ijwi bbotu lya Leza, alimwi i nguzu zya inyika ziciza,

...kuti bawa, ku lijokolweda beni alubo...

Amuswiilile eco nca kaamba.

...nkambo i mvula...ilasika kanji aa i nyika, kwiitilaila a kwiilulamika awa, a kwiibamba;

Pele...alo ngu maamvwa a mitubetube ili mumsi ku kukakwa;...

Lino, nkikaako kusiya i beendelezi a njiisyo zya Kristo, atu unke...ku bulondosi; kutali kubikka alubo ntalisyo ya lweempo a milimo iifwida...kuli Leza, a lusyomo, azimwi zimbi,

...a njiisyo zya lubbizyo,...kubikkwa kwa maanza, a zintu;...

353 Mwabona, musyomi sinyama, kaindi mu mazuba ayo, mbuli buyo mbo kubede asunu, mbobayanda kwamba kuti, “Ee, Ndi zulilwa ku mbungano. Nda keempwa. Nda—Nda kayutuka, Nda kalyambilila. Nda kabbizigwa.” Mwabona, babikka olo lubambululo lwakunyama. Alimwi cicitazi? Ci zyala nsoke.

354 Ino bulondosi bucita nzi? Ngu whiiti. I whiiti ndi Ijwi Iya Leza. Ula ibelesya mbuli Ijwi Lyakwe. Ni Mbutu Yakwe. Ila zyala.

355 Citola eyo mbutu iisyangidwe mu moyo wako. Ikuti na wasika kumbungano nkaambo buyo kakuti uyoowa gehena, ikuti na usangana mbungano nkaambo to yandi—to yandi kuya ku gehena, ucili nsoke. Ikuti—ikuti na wasangana mbungano kuba buyo simpuwo, ucili nsoke. Ikuti na wakacita ezi zintu zyonse zya mulao zyeedelede kucitwa, nkabela nku koonse nko jisi, ucili nsoke.

356 Pele Munakristo, wini, wakasimpe ubindaanina ku bulondosi kusikila inyika yafwa alimwi waba cilenge cipya muli Kristo Jesu. Mpawo, ta cikoneki ku muntu oyo kusola kuwa. Eco Bbaibbele ncolya kaamba! Mwabona nzila eco mbo ceelena a Lugwalo lumbi? Mwabona obo Mbo cibikkidwe moonya omuya mu busena bwaco?

357 Mbobuti mbo Li konzya kwaamba awa, “Ii muntu wakafutulwa lomwe takonzyi kusweeka” a kuboala waawa a kuti, “Pele, ikuti wa kasweeka, na kusanka, taku konzeki?” Masimpe, ikuti na nduwe sikusanka, toli Munakristo.

358 “Taakwe muntu, uukanana kwinda ku Muuya wa Leza, wiita Jesu kuti mutuke.” Musalali Johane 4 . . . na Johane Mutaanzi 4. Taakwe muntu ukanana kwinda ku Muuya wa Kristo, wiita Jesu kuti, “mutuke.” Onse muuya, wa Leza, uuli mu Mbungano ya Bunakristo, ulazuminana a zintuzyonse Leza nzya kaamba.

359 Twa kabala awa, elyo kwakati, “Wa kayaswa nkambo ka nsotoko zyesu. Ku mibunda Yakwe twa kaponesegwa.”

360 I mizeezo yakaindi yakunyama ilati, “Mazuba aa maleele akainda. Ndime *Dr. Jones*.” Mwabona? “Takukwe cintu mbuli kuponesegwa kwa Buleza. Taakwe cintu mbuli bukombi bumvugwa kumoyo. Muli cikama buyo caba sikunyanyamukwa. Muli basikulimvwa kwanguzu. Mwabona, nku koonse kuliko kuli ncico. Takukwe cintu kuli ncico. Tuli ba Presbyteria. Tuli ba Lutherani,” na kufumbwa mbo cibede. “Tu lizyi awo mpo twiimvwi.”

361 Pele ino Muuya wa Leza waamba nzi? Jesu Kristo, mbobuca awa! “Ameni,” mbo waamba Muuya wa Leza. Ula zuminana cakufwambaana a Ijwi. Iiyi, munene. Mpouli mpoonya alya. Mwabona Nce pandulula lino?

362 “Olu lubambululo lwakunyama lubeleka lufu,” wakaamba Paulo.

363 Pele oko Buumi nco busika, obu bulondosi, “Oyo uumvwa Majwi Angu, uusyoma Oyo waka Ndi tuma, ujisi Buumi buteeli, nkabela taka booli ku kubetekwa, pele wazwa ku lufu kuya ku Buumi. Njo mupa Buumi buteeli, ndiyo mubusya ku mazuba akumamanino. Bonse Taata mbaka Ndipa bayo boola kuli Ndime, nkabela taakwe umwi wabo usweekede.” Konzyi kuba.

364 Aboobo, nceeci nco cicita—nco cicita. Bantu bayeeya kuti eco cibamba bantu kwaanguluka. Mukwesu, to belekele Leza kungsi lya kusyulungana kwa nzoka. Leza tali umwi wa balombwa aba bajisi zimboko zya nzoka iisiya kukweenzya koonse. Ngu Taata. Walo Nduyandisyo. Leza Nduyandisyo. Alimwi Bbaibbele lyakamba, mu Musalali Johane, “Oyo siluyando ngwa Leza.”

365 Ula muyanda Leza. Inga nseba, ikuti na Nda unka kubusena a—a kukolwa sunumasiku. Nsena nywide, mu buumi bwangu. Pele ikuti Nda unka kubusena a kukolwa, inga Nse yoowa kuumwa. Ako takali nkekaambo Nce ta unki—unki, kuta cicita. I kaambo Nce taciciti, nkambo Ndila Mu yanda. Ula ndiyanda. Taili milimo ya mulao. Tacili cintucimwi eco Nce elede kucita. Nkaambo kakuti Wa kandicitila kale cintucimwi, nkabela Ndila Mu yanda nkambo ka nco. Mpaawo we.

366 Aboobo, a Muuya oyo omuya, oyo wakasyomezegwa, “Njo mupa Buumi buteeli, nkabela taba kalobi.” Sa Wa kabeja na Wa kaamba Bwini? Wa kaamba Bwini. Aboobo, mwabona obo Eci mbo cipandulula? I kutakonzeka nkwa muntu kuwa nakamana kuba mu luzyalo cimwi ciindi. Ta konzyi. Inga wawa, masimpe, pele kutali kujokela ku lweempo, ukujokela ku busena a kucita milimo yakaindi alubo.

367 Aboobo, nyoonse mula inka kuzwa kuli lubukulussyo kuya ku lubukulussyo, busena bomwe elyo mpawo kuli bumbi, sa tamu boni kuti tamu kkalikide? Tamu yakidwe. Lino, masimpe. . . Yebo wati, “Mukwesu Branham, Ta ndizyi ikuti. . .” Masimpe Leza nata kandipa mulimo Ngwa jisi, aku ndilekela kuba mu bulubizi. Elyo ikuti na tii cakatondezegwa ku Lugwalo, nkokuti nibwaka bulubizi, pele ndoolu Lugwalo lwaku ciiiminina.

368 I mbungano taina kwiimpya busena. . .Bantu baunka, kusangana mbungano, kukwankwana, kulwana, kunyongana, a—a zintuzyonse, akupona buyo musyobo uli onse wa buumi bwakunyama, “Oh, iiyi, Ndili Munakristo.”

369 Nda mvwa kulyaambilila sunu kwa mulindu muniini oyo wa ndaambila kuti mulumi wakwe wakali kulya misaalo a mwaalumi. Waa kaba jata, busena a busena. Elyo mwanakazi waamba kuti, “Njo kuzibya, ‘Ndili Munakristo.’” Um-hum.

370 Amulange awa kuli Jimmy Osborne, abusena awa kakambauka Munsondo kuseeni; a bbuugi-wuugi, akuzyana kwakuliyuumba buniini a zintuzyonse, mu mwiki.

371 Amulange Elvis Presley, ciimo ca Judasi Isikarioti wamu 1947, kasangana Assembledisi ya Leza, Pentekoste, kaambaula mu

myaambo nkambo ka Muuya Uusalala, akutuma bantu banji kukupenzegwa kwiinda boonse basikusamba zitazumizigwi bakaliko mu myaka yamamanino ili makumi osanwe. Mizeezo ipilingene ya bana baniini inyika yoonse, kusikila basimbi baniini basamununa tubbudula twabo twakunsi a kutu sowela aa cibumbili, elyo walo kulemba mazina abo ali cimwi. Usofweede kapati cakuti taba konzyi kumu tondezya mu televizhioni, kuzwa ku cibuno cakwe kuyaansi, nzila ya mubili wakwe. I Muuya Uusalala, kawaambaula mu myaambo, kuba citondezyo? Oh, mukwesu, ikuti na Muuya Uusalala wakaliko, Ni wata kalilemeka boobo. Uli zyi kabotu kwiinda ceeco. Nee ncobeni. Leza ubotelwa bulondo a kunjoloma a kusalala.

³⁷² Ta ndili lemeki cabulondo a kunjoloma a kusalala kukulibamba kuba Munakristo lwangu. Pele Kristo, muli ndime, uupona obo muli ndime. Elyo Ndila Mu yanda. Elyo ikuti na Nda cita cilubide cili conse, cindipa mulandu. Mpoonya awo Njo wamba, “Leza, kondi jatila.” A buzuba, Nde elede kulomba kujatilwa, a buzuba. Elyo ula cita, ayebo. Nincobeni, ula cita.

³⁷³ Pele lino ikuti na—ikuti na uli sinyama, kolindila buyo kusule, akuti, “Aah, ee, oko kuli kabotu, Ndi zulilwa ku mbungano.” Wabona? Elyo mpawo cindi wasanka, nce cindi nota jisi Lusyomo lwaka pegwa ku basalali ciindi cimwi. Mpawo wafubaazya Oyo, aku Wiita kuti, “Ii muuya mubi.” Kwaamba, “Eco ncikama ca babumbulusi basalala.” Mpawo, wali pambula lwako akati ka luzyalo a lubeta, mpawo wanyonyooka kwa lyoonse.

³⁷⁴ Jesu wakati, “Ibbala lyomwe Kuu lwana, tali kajatilwi mu inyika eyi na inyika iiciza.” Elyo Munakristo, wakazyalwa aa Muuya, takonzyi kusampaula Oyo, nkaambo ta cikonzyi. Ula zuminana a nguwo. Mbu mbubo.

³⁷⁵ Nke kaambo bantu basola kundaambila kuti, oyo Musumpululu wa Mulilo okuya, waka libonya okuno antomwe andiswe, ba sola kwaamba, kuti, “Oyo wakali dyabulosi,” kuteeti, “Kakali kaano kabuyo,” konse aka. Pele kkamera yaka tondezya kuti tii Kakali nkako. Elyo milimo ili eeni ncobeni aa Bbaibbele, nguonya Musumpululu wa Mulilo waka swaana Paulo mu lweendolwakwe kuya ku Damasiko. Zyonse zintu ezi Nzya kacita kaindi okuya, ula cicita mbubonya buyo munzila, kwinda ku Bbaibbele. Ngu Kristo, Mwana wa Leza.

³⁷⁶ Elyo cindi twa zyalululwa, tuba a Buumi buteeli, nkabela tatu konzyi kuloba. Inga tee kwakonzeka ku muntu kuwa. Eco Bbaibbele ncolya kaamba.

³⁷⁷ Lino, amuswiilile, amulange eco Paulo ncaamba. Ndila cibala conse, a kubona na ta cilimvwisyi kabotu, lino. Atu zumanane, aniini buyo. I kampango ka 8.

Pele eco cizyala maamvwa ziyasabavwimi zila kakwa, alimwi zili mumsi ku kusinganisigwa; mamanino azyo nkuumpwa. (Oyo ngo sikutasyoma.)

³⁷⁸ Lino amulange Paulo. “Pele, nobayandwa, . . .” Lino waambaula abo basola kujokela kungsi lya mulao, nywebo mulizi, kusola kucita yonse milimo ya mulao, nekubaboobo bacili buyo ba zilengwa mbuli mbo bakonzya kuba. Bali jisi lubbizyo a kubikwa kwa maanza, a zintu ezi zyoonse.

Pele, nobayandwa, twa kasungilizigwa zintu zibotu zya ndinywe, . . .

Mpaawo we. Amuswiilile kuli nguwe lino.

. . . a zintu zisangana lufutuko, nekubakuti—nekubakuti kwiinda muli ceeci twa kanana boobu.

Nkambo Leza tali utaluleme kuluba milimo yanu a kubeleka kwa luyandisyo, eyo njo mwa katondezya ku zina lyakwe, cakuti mwa kakutaukila basalali, alimwi mu cikutauka.

³⁷⁹ Sena mwacibona eco ncaambaula? Taambauli zya Banakristo kuwa pe, ta cikonzeki kujokela. Walo waambaula zya basyomi bakunyama abo baina mu ciimo ca lubambululo. “Pele,” wa kati, “kuli ndinywe nomwa kazyalululwa, nywebo no Banakristo, nomuyandwa, twa kasungilizigwa ku zintu zibotu. Tamu zyaambi zintu ezyo. Tamu poni oyo musyobo wa buumi. Muli kwabilidwe muli Kristo.”

Ncinzi nca kaamba kaindi okuno? Lino atu unke ku Bahebrayo 10, awo mpo twabede kuseeni oku, alubo. [Kabeela katakwecintu aa teepu—Mul.]

³⁸⁰ Lino, atu vunune kai, alubo, ku Baefeso 4:30. Elyo atu jane ceeci, aniini buyo, a kulangilila eci nco caamba, ku gwasilizya ceeci, kubamba Lugwalo kweenda a Lugwalo. Baefeso 4, atu bone. Baefeso 4:30. Atu bale a kubona eco Nco lwaamba. Amuswiilile.

. . . muta penzyi Muuya uusalala wa Leza, . . .

Mbobuti—mbobuti mbo tubbizigwa mu Mubili? Muuya omwe.

. . . muta penzyi Muuya Uusalala wa Leza, kwiinda kuli nguwo nywebo mwakaandwa mane ku buzuba bwa lununuko lwanu.

Mbo mbubo? [Mbunga yaamba, “Ameni.”—Mul.] Mwa kanamatikwa mu Mubili wa Kristo, kwiinda ku lubbizyo lwa Muuya Uusalala, kutali kuzwa ku lubukululuso lumwi kuya kuli lumbi, pele kusikila ku Buzuba bwa lununuko ilwa Mubili. Obo mbo mubede. Aboobo, taakwe nzila kuli ndinywe ya kusweeka.

³⁸¹ Mula libilika. Elyo nke kaambo kulibilika, kulibilika, kuyoowa kweenda a kuzumbauzya.

Luyandisyo lweenda a lusyomo. Nda bayanda Bataata. Nse ba yoowi, nkaambo Nda Mu yanda. Inga tandi cisa. Uyo ncicitila zibotu. Ikuti na Nda ka Mu yoowa, alimwi, “Oh, Ta ndizi naa Uyo cicita, na pee.” Mwabona?

³⁸² Pele ikuti na Ndila Mu yanda, “Iiyi, Taata, Ndila—Ndila Ku yanda. Elyo Ndi lizyi kuti Nduwe—Nduwe Bataata, nkabela Ula ndiyanda, nkabela Nse yoowede pele buyo kuti Uyo libamba Ijwi Lyako. Calo ncisyomezyo Cako kuli ndime.” Eyo nje nzila Muuya wa Leza njoucita.

³⁸³ “Pele, oh, ikuti na Nda kacita *ceeci*, ikuti na Nda kacita *ceeco*.” Mwabona, mpaawo wasika ku lubazu lwa tulaolao, alubo. Uta kaunki ku lubazu lwa tulaolao. Ndwa cimvule.

³⁸⁴ I lubazu lwini ndoolo ndo yanda. Walo mulimo waka manizigwa kale. Kristo wakafwa, alimwi cibi caka jaigwa cindi Na kafwa. Elyo ikuti na Leza wakakukanzila Buumi Butamani, “Bonse Taata mbaka Ndi pa, bayo boola kuli Ndime.” Mpaawo we, konzyi kusweeka. Uli kwabilidwe kwa lyonse. “Nkambo ku Muuya omwe tonse tula bbizigwa mu Mubili omwe, alimwi ku cituuzyo comwe Wa alondola kwalyonse.” Mpaawo we. Takukwe nzila kuli ndiswe ya kusweeka. Nconzyo. Lino, sa tacimu bambi kulimvwa kabotu? [Mbunga yaamba, “Ameni.”—Mul.]

³⁸⁵ Lino, ino uziba buti kuti uli Munakristo? Cindi muuya wako wapa bulunguluzi a Muuya Wakwe, cindi luyandisyo lwa Leza lwanooli mu moyo wako, cindi wano jisi luyandisyo, lutangalo, luumuno, kukkazikamoyo, buuya, lukakatilo, bubotu, lubombo. Eco nce cindi nomu. . . I micelo ya Muuya kiitobela buumi bwako.

³⁸⁶ Kutali kaambo kakuti inga wazyana mu Muuya, oh, ku bulile obu kwasunu, kubulizya kapati aa piyaano, kwalo kunji oku okuno kwa kuzyana mu Muuya. Zyalo zintu zili kabotu. Pele ba kabweza cintu conse ku lubazu olo lwa tulaolao, mwabona, elyo nkikaako, naka usiya Muuya wa Leza musule.

³⁸⁷ Nke kaambo, cindi Leza nakatalika liyubulula Mwini, ba kati, “Bufuba. Ta tuyanda cintu cakucita a Ceeco.” Taba muzyi Leza. Tabana ku Ci bona. Taba konzyi ku Ci mvwisya, nkaambo kuli buumi bwandeene omuya. Ta zyi, nsoke taizyi eco whiiti ncoi cita. Yalo nja buumi bwandeene.

³⁸⁸ Eyo nje nzila mboibede ku Munakristo, ku musyomi wakunyama, sikulyaambilila, oyo wiinka kubusena a kulyaambilila, “Oh, iiyi, Ndili Munakristo.” Ii mundundu mupati mu mulomo wakwe, mbuli ng’ombe ntole ina Texas yaka gusigwa meja.

³⁸⁹ Ii mwanakazi kasamide zignkolole, kaamba, “Oh, iiyi, Ndili membala wa mbungano. Masimpe, Mbwebede.” Micelo yako ilatondezya kuti toli cintu cita sinyama. Mbo mbubo. Masimpe, mbobede. Kuli cintu comwe luzutu cakuzumizya ceeco: eco

ncakubulizya kukuyeeya kabotu na muuya wa cisuci aali nduwe. Mbo mbubo.

³⁹⁰ Ikuti na muyanda kulilemeka mbuli inyika, Bbaibbele lyakati, “Ikuti na kamuyanda inyika na zintu zya inyika, luyandisyo lwa Leza akwalo talumo muli ndinywe.” Aboobo mpawo we.

³⁹¹ Lino, yebo wati, “Oh, Bbaibbele lyakati, nkokuti Nde elede kucita ceeco.” Peepe, eyo taili njiyo. Kkala awa kusikila Kristo waku citile cintucimwi, eco cigusya ceeco kuzwa kuli nduwe. Mpawo wazyalwa ku Muuya wa Leza. Kutali eco ncocita, nceeco Nca kakucitila. Kusikila wajana luyandisyo lwakuti wazwa ku lufu kuya ku Buumi. Alimwi mpawo langilila buumi bwako, ikuti na—ikuti na camuka muka. Kutali kaambo kakuti usola kubamba buumi bwako, pele nkaambo Leza wakuleta kubwendelezi bwa Muuya Wakwe. Toli nduwe ulisololela mu nzila ya Leza. Ngu Leza kakusololela mu nzila Yakwe Mwini. Kutali nduwe usololela, pele Leza kasololela.

³⁹² Lino amulange ceeci, lino, mbuli buyo mbo selemuka kutozya ku mamanino. I kampango 11.

Elyo tuyanda kuti umwi aumwi wanu a tondezye kusungwaala nkukonya ku kuzulizya kaanzambwene i ka bulangizi kusikila ku mamanino:

Kutegwa nywebo mu tabi batolo, pele batobezi ba mbabo abo kwiinda mu lusyomo a kukakatila kukona i cisyomezyo.

³⁹³ Lino, kwaamba komwe buyo kumbi awa.

Nkambo cindi Leza naka bamba cisyomezyo kuli Abrahamu, nkaambo ta kakonzya kukonkezya kuli umwi mupati kwinda, wa kakonkezya kuli Lwakwe,

Kwaamba kuti, Masimpe Njo kulongezya, a kuvuzizya, Njo kuvuzizya.

³⁹⁴ Cindi Leza naka swaana Abrahamu! Lino, Abrahamu waka tambula cipangano, kakutakwe bweelelo pee. I cipangano cakabambwa a Abrahamu. Nca luzyalo nconzyo, kumaninina. Abrahamu takali muntu wakali kabotu loko. Ta kali muntu musalali. Wa kali buyo muntu walyonse. Elyo Leza, kwinda kukusala, wakasala Abrahamu nkaambo Leza waka musala; kutali kaambo kakuti Abrahamu wakali kuciyanda, nkaambo Abrahamu wakacita ceeci, nkaambo wakali muntu uli kabotu, nkaambo wa kajisi ceelelo cimwi pee. Pele kwakali kusala kwa Leza. Leza wakabweza Abrahamu.

³⁹⁵ Sunu, mbuli Mbwe amba, Ndila syoma, “Tula lisalila bakambausi besu.” Tula unka konse, akuti, “Ee, umwi wa bamadaikona waleka. Atu jane muntu weelega maningi mu buyake waku bweza busena bwakwe. Ee, mweembeli waleka;

atu vuntauzye, tu jane weelela maningi.” Ziindizimwi eco tacili kabotu.

³⁹⁶ Cindi nibakasala mwaalumi kubweza busena bwa Judasi, baka jana muntu watakali kweelela. Ba kajana mulombwana, Matiasi, mulembi mulemu, sicikolo mupati, mwiiminizi. Ba kati, “Uyo bubweza ncobeni busena bwini. Mulombe, uboneka mbuli mwaalumi wini.” Pele tii kwakali kusala kwa Leza. Alimwi wa kabweza oyu mwaalumi, nkabela taakwe cintu nca kacitila Leza.

³⁹⁷ Pele Leza wakasala mu Juda muubauba, wakali walunyemo kapati, mudaalawaka gogomene mpemo wakaunka kumusanza a busyu bwakwe bonse, “Njo unka kumusanza. Njo baanga.”

³⁹⁸ Leza wakati, “Nda bona cintucimwi muli nguwe. Njo mubelesya.”

³⁹⁹ Elyo Leza wakabonekela ncobeni kumbele lyakwe mu Mumuni oyo mupati okuya. Elyo wa kati, “Nduweni Yebo, Mwami?”

⁴⁰⁰ Kati, “Ndime Jesu. Baa, nciyumu kuli nduwe kusansa cibinzyo. Nkaambonzi nco Ndi penzya?” Mbuli obo, nkabela Leza wakabweza *oyo* mwaalumi a kumu bamba kuba umwi wa bamaalumi bapati kwinda oyo wakasola kuuma busyu bwa nyika kuzwa kuciindi ca Jesu Kristo. Oko kwakali kusala kwa Leza.

⁴⁰¹ Sunu, tu sola kusala. Nywebo no mabungano, mula tuma *oyu* mwaalumi okuno, a *oyo* mwaalumi okuno. Eco ta ceelede kucitwa mu nzila eyo. Leza ngu sololela. Ngu Leza muli zyonse, kwinda muli zyonse, atala ali zyonse; kutali pepa limwilya makani aa mbungano imwi. Nceeco Leza nca kaamba kujatikizya ncico, eco cibamba lwandaano.

⁴⁰² Amubone. Leza wakapanga cisyomezyo kuli Abrahamu, cata kajisi zyelelo. Elyo, lino, amulindile, Abrahamu ta keelede kucita cintu cimwi. Leza wakati, “Nda kacicita kale.”

⁴⁰³ Leza wakapanga cisyomezyo kuli Adamu, wakati, “Adamu, ikuti na uta kagumi *ceeci*, uyo pona kwa lyoonse. Pele buzuba mboya kulya kuli nguwo, obo buzuba uya kufwa.”

⁴⁰⁴ Adamu wakati, “Nda libuzya buyo makani onse aco mbwabede, nekuba?” Wa unka okuya a kuulya, kunyonganya.

⁴⁰⁵ Ciindi conse Leza apanga...muntu ubamba cipangano cakwe a Leza, na Leza a muntu, muntu utyola cibeela cakwe. Aboobo Leza wa keelela kucita cintucimwi, nkaambo Wa kabona obo muntu mbwa kabede. Elyo bakali kanzidwekale, bakali salidwe, nkabela Leza wa keelela kucita cintucimwi. Aboobo Leza wakaseluka ansi a kupanga cipangano Cakwe a Abrahamu, cata kajisi zyelelo. Ikuti na ni caka jisi zyelelo, Abrahamu nakasweeka, kaindi loko.

406 Amu mulange kakkala kumusanza okuya ku Gera, kawide, kabeja. Elyo wakalekela mukaintu wakwe ku mwaalumi umbi, kuteeti kalivuna ku cisubulo. Ino mwaalumi! Kakkede okuya, a kuwa. Leza waka mwaambila, kuti, “Uta kazwi atala awa. Kakkale atala awa.” I pamba lya mutanda mu busena. Wa katuntulikila kumusanza oko kwakali kuubauba kukkala. Mulizi eco cicitika ku mulombwana cindi atola nzila ngubauba.

407 Wa katuntulika, kumusanza okuya kwa kali bwizu bwaka fwefweme kabotu. Elyo cindi nakasika kumusanza okuya, wakaambila mwaami kuti mukaintu wakwe wakali mucizi wakwe, ku kulivuna ku cisubulo mwini. Lino, obo bwakali bubeji. Elyo kufumbwa mwaalumi, inga watola mukaintu wakwe a ku mupa ku mwaalumi umbi, ku kuvuna lukanda lwakwe! Ngooyo mbwa kabede, kakkede okuya mu tente liniini, sikuwa, kabeja, a kusakana kuzwa kwakwe... kukosolwa kumaninina kuzwa ku cisyomezyo a zintuzyonse, pele wa kacili musinsimi wa Leza.

408 Elyo ngooyo wakali Abimeleki, wa kali muntu, mubotu wabusalali. Masimpe, wa kaamba mipailo ya masiku onse. Kajana aba banene, wa myakali ili mwaanda yakukomena, kaselemukila okuya, mukubusyi awakali kweebeka alubo. Wa kati, “Oyo musimbi Ngwe kali kulindila, aboobo Ndiyo mukwata.”

409 Abrahamu wakati, “Inga wamu tola. Mucizi wangu.”
Walo, “Oyo mukwesu wangu.”

410 Aboobo wa kamutola okuya alimwi wakacitya banakazi kuti bamusanzye kumaninina a—a kusama zikobela zibotu, aku musakatizya mbuli ii—mbuli sibwami mukazi. Elyo wa kaamba mipailo yakwe, waka lyoolola aa bulo, akunyona matende akwe mujulu, a kuti, “Juunza, Ndiyo kwata musimbi weebeka Muhebrayo, oyo—oyo mucizi wa mulombe kubusena okuya. Oh, ciyo bota kapati. O Mwami, Uli zyi obo Mbwe Ku yanda! Iiyi, munene. Nkubotu!”

411 Elyo Leza wakati, “Uli mbuli mufu buyo.” Uh-huh!
[Mukwesu Branham wakola—Mul.] Mundi jatile. Abra- . . .

412 Baa, Abrahamu wakali kkede alya, kabeja, kawide. Elyo ngooyu mwaalumi, uusyomeka a ululeme a muntu mululami. “Baa,” wa kati, “Mwami, Uli zyi kululama kwa moyo wangu. Sena ta ndaambila, kuti, wali ‘mucizi’ wakwe?”

413 Kati, “Ndi kuzyi kululama kwa moyo wako. Nke kaambo Nda kukasya ku Ndi bisizya. Mbo mbubo. Ndi kuzyi kululama kwa moyo wako. Pele mulumi wakwe musinsimi Wangu.” Aleluya! Oh, ikuti a olo taluli luzyalo, niinzi kai? “Kuwa, kabeja, nkabela kakkede alya, pele oyo ucili musinsimi Wangu. Bweza cipaizyo, akuya kuli nguwe, a kujosya mukaintu wakwe, nape uli

muntu uufwide. Nse kai tambuli limbi mipailo yako. Mulekele akupailile.” Amen. Mpaawo we. “Oyo musinsimi wangu.”

Lino, yebo wati, “Oh, Ni Nda kali Abrahamu.”

414 “Ikuti na tuli fwide muli Kristo, tuli Lunyungu lwa Abrahamu, alimwi tuli baswaana kweendelena ku cisyomezyo.” Nconzyo. Eco ncolya kaamba Bbaibbele. Sena muyanda ku Ci bala? Baa, Bbaibbele lya kati—kati cisyomezyo tii cakali biyo kuli Abrahamu a nyungu zyakwe. Mbuli ndinywe . . . Abrahamu waka jisi nyungu zinji, masimpe, bana banji. Ishimaeli wakali mwana wakwe. Wa kali jisi bana bali ciloba na lusele, Sarah nakafwa, kuli umwi umbi, Ketura. Pele, amulange, lunyungu lwa kasyomezegw kuli omwe, oyo wakali Izaka, alimwi kwinda muli Izaka kwakasika Kristo, kwinda muli Kristo kwakasika ndiswe. I cisyomezyo cata kajisi zyelele.

415 Lino, ino kujatikizya Abrahamu? Baa, na kanyonyooka, ni cakaba ciyumu kuli nguwe kusola kujokela alubo. Masimpe. Ni cakaba ciyumu kuli Saulo kusola kujokela alubo, ikuti eco, kuti nimwakabala Lugwalo munzila eyo. Mwabona? Pele tii kwaali obo. Cisyomezyo ca Leza cilakkalila kwa lyoonse.

416 Atu bale awa aniini buyo. Ndi yanda ku Ci bala. Ndi yanda kuti mujane Bagalatiya 3:16, akubala ceeci, a kubona cisyomezyo mbo cibede, a kubona eco ikuti—ikuti tuli cisyomezyo Cakwe na pe, 3:16. Amuswiilile awa. Yaa. Ndila bala kampango ka 15, akalo.

Bakwesu, Ndi kanana mu ciyanza ca bantu; Nekubakuti calo ncipangano ca muntu, nekubaboobo ikuti na ca simpikizigwa, taakwe muntu ucilesya, na kujungizya kuli ncico.

Lino kuli Abrahamu a lunyungu lwakwe, lunyungu (s, dabbo e, d), ku lunyungu lwakwe cisyomezyo nko cakambwa.

“Kuli Abrahamu a Lunyungu lwakwe.” Lino amulangilile.

Ta kaamba kuti, Elyo ku nyungu zyako (zinji), mbuli zinji; pele mbuli . . . lomwe, Elyo ku lunyungu lwako, uli ngu Kristo.

417 Nkokuti, Kristo wakali Lunyungu lwa Abrahamu. “Elyo mukuba bafwide muli Kristo, akubbizigwa mu Mubili Wakwe, tuli Lunyungu lwa Abrahamu, alimwi a baswaana ba cisyomezyo.” Mpawo kuli buti, mbobuti mboya kusola kuwa, ikuti na Leza waka kupa cisyomezyo? Mbobuti mboya kusola kuwa, a kutantamuka akweelela kuya ku gehena nkambo ka ncico?

418 Lino, nywebo mwati, “Ee, ta tukonzyi kuwa na?” Nincobeni. Elyo cindi wawa, uyo kujana, uta pengi. Abrahamu waka kujana, abamwi babo baka kujana, elyo ayebo uyo kujana. Uta yeeyi kuti kukupa nguzu zya kubisya. Ta kuciti. Uyo zibbadelela

zintuzyonse nzo cita. Uyo tebula eco ncoka syanga. Uyo cita cibi comwe ciniini nkabela uyo tambula mudishi onse uuzwide. Mbo mbubo. Pele, mukwesu, eco ta caambi kuti wa kasweeka. Obo mbombubo ncobeni. Abrahamu wakatebula nciconya buya nca kabyala. Mbo mbubo. Pele wa kacili futukide.

⁴¹⁹ I cipangano eco Leza nca bambila Israyeli: ba kasweekelwa lukono lwabo, baka sweekelwa nyika ya cisyomezyo a kuselemukila mu Egepita, pele tiiba kasweekeledwe cipangano cabo. Leza wakati, “Nda ciyeeya cisyomezyo Cangu kuli Abrahamu. Nda yeeya, nkabela Nda seluka ansi kuzo vuna bantu Bangu. Koya kungelelo okuya, Musa, akuyo ambila Farao kuti Nda amba kuteeti, ‘Baleke bantu Bangu baunke.’ Nda yeeya kuti Nda kapanga cisyomezyo kuli Abrahamu aku lunyungu lwakwe.”

⁴²⁰ Eco nce cintu nciconya cili kuli ndiswe. Aboobo ikuti na uli fwide, nkabela buumi bwako buli sisidwe muli Leza, kwinda muli Kristo, takukwe cintu mu inyia cikonzya kukuguma. Lino, inga waunka a kucita cilubide, pele ikuti na uli nconzyo, mwana wa Leza, wakasimpe, nkabela wabona kuti walubizya, uyo buka a kusola alubo. Mbo mbubo, nkabela toka kkali awo.

⁴²¹ Pele ikuti na wakongwa, ikuti na uli nsoke, ikuti na taakwe “kubuka” kuli nduwe, uya kuti, “Aah, ee, takukwe cintu kuli Ncico, nekuba.”

⁴²² I Bwami bwa Leza bula kozyanisigwa ku muntu wakabweza kanyandi a kuya ku lwizi, waka kawaala mukati. Cindi na kaboola, wa kajis bafulwa, bacula, inzoka, badyolo, basiluubilili, a nswi. Ayo nge Makanimabotu cindi Aka mbaukwa.

⁴²³ Mbuli Mwami mbayo ambila mukutausi, mbuli Mukwesu Graham kuti, “Kotanta *awa*. Kozumanana ku kkona *eli* a kuzuba nswi kaindi kasyoonto, Mukwesu Graham.” Yaa, wabweza kanyandikakwe akutanta alya a kotalika kuzela.

“Uya kuli, Mukwesu Bill?”

“Ndi inka kubusena bumwi bumbi, akuyo waalila mu kkona *eli*.”

⁴²⁴ Ndila kwela, “Mpaawo we, Mwami, Uli zyi na zilaaali.” Nda kwela kanyandi alubo, “Yaa, nzeezi we, Mwami.”

⁴²⁵ Lino, fulwe wakali fulwe, kukutalika. Wa kamuca buyo mu kanyandi. Mbo mbubo. Mpawo nje nzila bantu mbo bacegwa mu kulimvwa, “O Aleluya! Aleluya! Alumbwe Mwami. Bulemu kuli Leza. Aleluya!” Ba kacegwa buyo mu kanyandi, nku konse.

⁴²⁶ Ikuti na oyo muuya wa fulwe wakaindi uli muli mbabo, ta cika toli ciindi cilamfu, bayo ti, “Ee, Nda kwaambila, . . .” Ngooyu wa unka, kasobelela kujoka.

⁴²⁷ Elyo Munyama mulindu mucembele uli mbuli nkala uyooti, “Pele Nse konzyi buya a kucimvwisya Eco.” Mwabona?

428 Muka Siluubilili kukkede alya kaindi kaniini, uyo talika kuti “plopu, plopu, plopu,” kujokela nconzyo, “Ee, kwakanyina cintu muli Nkako, nekuba.”

429 Muka Nzoka uyooti, “Oh, bali ncikama ca babumbulusi basalala. Nkukonse buyo kuliko kuli Nkako. Njo selemukila oko nkoba jisi kuyeeya kubotu kwinda oko.” Baa, uli nzoka, ku kutalika. I kanyandi ka Makanimabotu kakakuca buyo, kwa mana.

430 Pele inswi taka tolwa ku tafule lya Simalela. Ya kali nswi, ku kutalika. I Lunyungu lwakwe lwakali lwa nzoka. Wa katalika, kali nswi, nkabela Leza wakalizi nswi Zyakwe kuzwa kumalengelo aa inyika. Aleluya!

431 Amuyeeye, zyonse ziyoyela mu maanzi ngaonya antimba omuya. Zyonse ziyoya aku kalonga nkakonya. Mbo mbubo. “Toonse twa kabambwa...kunywa ku Mwaala omwe wa kumuuya. Bonse bakalya mana mu nkanda.” Kalebi a Joshua bakalya mana ngaonya ayo—ayo bamwi babo nge bakalya. Elyo boonse bakawa mu nkanda. Pele kwakali bobilo bakasalidwe kulanduka, nkabela ba kalanduka. Mbo mbubo.

432 “Toonse twa kabambwa kunywa ku Kasensa komwe.” Pele tabali bonse banywa kuti bali futukide. Toonse twa kabambwa koongolola antoomwe. Toonse twa kabambwa kusekelela antoomwe. Pele Basale bali futukide. Sa mwa kabona? Lya kati, “Myuuya yobilo, ku mazuba akumamanino, iyo tandilana kukozyanya loko mane kuyo cenga mbabonya Basale ikuti kula konzeka,” *ikuti* kula konzeka. Mwabona? Oyo ngo Muuya wini wa Leza, wakasalilwa Buumi Butamani.

433 Lino tuli mukujala. Mpawo Mukwesu Neville uyo bweza awo Mpe siya awa. Ncibotu.

Elyo eci Nda amba, kuti cipangano, eco caka simpikizigwa kale a Leza muli Kristo, mulao oyo wakali wa mwaka ili myaanda yone, myaka ili myaanda yone amakumi otatwe kumane, taikonzya kulesya, kuti ceelede kubamba cisyomezyo kubula kubeleka.

Eco nce cisyomezyo Leza ncakapa Abrahamu, mulao kuutana kusola kuba.

Nkambo ikuti i—nkambo ikuti na lukono lwaba lwa mulao, ta lucili lwa i cisyomezyo: pele Leza waka lupa kuli Abrahamu ku cisyomezyo.

Kutali ku cintu nco cita, kutali ku milao, kufumbwa milao ya mbungano yako, ku kusangana mbungano, na kufumbwa mulao umbi. Mucito wa luzyalo lwa Leza cakumaninina, kuli nduwe. Mpaawo we.

434 Amulangilile.

Nkikaako mpawo kubelekela mulawo? Wa ka yungizigwa nkaambo ka nsotoko, kusikila lunyungu luka boole kuli oyo cisyomezyo nco cakapegwa; . . .

Sa eco tacili antangala buyo mpemo mboili ku meso? “Wa kayungizigwa, ku kubelekela kusikila Lunyungu lukasike, oyo wakali Kristo, kuli Nguwe cisyomezyo nco cakapegwa.”

. . . alimwi caka salwa ku baangelo alimwi mu i maanza ya sikwiiminina.

Lino sikwiimaakati tali sikwiimaakati wa omwe, pele Leza ngumwi.

⁴³⁵ Lino, Nda siya mpoonya awa, kutalikila kuzwida mpoonya kwa Mukwesu Neville, kwa Bwatatu obu buboola.

⁴³⁶ Lino sena mwa mvwa eco nco twaamba? [Mbunga yaamba, “Ameni.”—Mul.] Eco tacikonzeki ncobeni ku Munakristo waka zyalululwa kuti . . . Ta ndaambi, lino, walo *uliita* kuti, “wakazyalululwa.” Nda amba, Munakristo, wini waka zyalululwa, kusola kuwa kuzwa ku luzyalo, ta konzyi kucicita. Inga wawa, mbo mbubo, pele ta konzyi, kutasola, kuzwa muli olo luzyalo.

Abrahamu wakawa kuzwa ku luzyalo. Masimpe, wa kacita. Leza waka mwaambila kuti “kkala alya.” Wa kazwa kuli mbubo, pele ta kaswekelwa cipangano cakwe. Wa kacili musale wa Leza. Wa kali musinsimi kakkede alya. Wa kali obo lyonse. Uyo oba wa Leza.

⁴³⁷ Lino amubone. I Bbaibbele lya kaamba, kuti, “Yoonse Israyeli iyo futulwa.” Mbangaye bazi obo? I Bbaibbele lyakati, “Yoonse Israyeli iyo futulwa.” Lino, “Israyeli taili Israyeli eyo ya kunyama, pele Israyeli yaku Muuya, nkambo zipego a lwiito zilasika kakutakwe lweempo.” Sa obo Bbaibbele mbo lya kaamba, nkoonya kampango katobela? Bagalatiya. Yaa. “Yoonse Israyeli iyo futulwa. Umwi aumwi wabo uyo futulwa.” Mbobuti mbo tuba Israyeli? “Mukufwa muli Kristo, kuba Lunyungu lwa Abrahamu, nkabela tuli baswaana ku cisyomezyo.”

⁴³⁸ Paulo wakati, “Oyo waciwa caanze tali ngo mu Juda, pele oyo waciwa camukati, mu Juda, Bantu bakasyomezegwa.” Elyo tuli Lunyungu lwa Abrahamu, ku cisyomezyo, kwiinda muli Kristo, kukuzumina Nguwe mbuli Mufutuli wesu wacigaminina.

⁴³⁹ Oh, Ndi syoma kuti mwa cibona. Ndi syoma kuti mwacimvwa, ikuti na mwakonzya kukkala a Ncico kwakaindi kanini. Lino omu twa cimanizya eci, mpawo tu talikila ali Melikisedeki, eco cijosya moonya muli ceci alubo. Tula talika eni ali . . . Oh, Cili buyo, cintu conse ncibotu loko. Pele tu zumanana buyo kunjila mu zintu ezyo zibotu kapati.

⁴⁴⁰ Lino, mwabona, ikuti na mwa bwezede Eci awa, kuboneka, ikuti na mwakonzya ku Ci bala buyo kuzwa ku kulangilila . . . Mbuli muna triniti wini usinizizye, oyo uusyoma kuti kuli Baleza

botatwe, ka ndaambila ciindi cimwi, kuti, “Matayo 3 ilungulula kumaninina kuti bakali botatwe, Bantu bagame botatwe mu Buleza.”

441 Nda kati, “Nde elede ku cibona.”

442 Wa kati, “Langilila.” Koimvwi nkoonya kuzwa ku cikambaukilo eci, wa ka, “Langisya awa, Matayo 3.” Kati, “Cindi Jesu nakazwa mu maanzi mpoonya awo, mubone, majulu akajukila Nguwe. Elyo Wa kabona Muuya wa Leza mbuli nziba. Elyo Jwi kuzwa ku Julu kalyaamba kuti, ‘Oyu Mwana Wangu uuyandwa muli nguwe Mwe nkondelwa.’ Elyo bali botatwe: Mwana aa nkomwe; Muuya Uusalala akati; a Taata atala.”

Nda kati, “Mukwesu, Lugwalo talu bali *boobo*.”

“Oh, iiyi, lula cita.”

Nda kati, “Lino Lu bale alubo, uzibe ikuti na Lu lacita.”

443 Lino, nceeci cifwanikiso cakwe. *Ngooyu* Leza, Mwana; *ngooyo* Leza, Taata; *ngooyu* Leza, Muuya Uusalala, mbuli nziba. Lino langilila. I Bbaibbele lyaamba kuti, cindi Jesu naka bbizigwa, “I Mwana wakazwa mu maanzi mpoonya awo, mubone, majulu atala Lyakwe aka juka. Elyo Jwi kalyaamba zya... Wa kabona Muuya wa Leza, Muuya wa Leza, mbuli nziba.” Kutali Muntu umbi atala *alya*, pele oyu Muuya wa Leza wakali Nziba eyo yakali atala Lyakwe. Elyo Jwi kasika, kwaamba kuti, “Oyu Mwana Wangu uuyandwa, muli nguwe Mwe nkondelwa kukkalamo.” Lino bala Matayo 3 akubona na Ta lyaambi *boobo*. Mwabona? Kutali bantu botatwe, obo pee.

444 Alimwi nje nzila... Eci ta caambi kuti nciyumu ku muntu kusola kujokela, mpawo, cindi waawa. Ta lyaambi *boobo*. Ta lyaambi *boobo*. Li lati, “Ta cikonzeki ku muntu kusola kujokela kuti alijokolozye mwini, nakamana kuba omuya kale.” Ta konzyi kucicita.

445 I Bbaibbele lyakati, “Oyo wakazyalwa kwa Leza, ta konzyi kucita cibi, nkambo ta konzyi kubisya. Nkambo Lunyungu lwa Leza lula kkalilila muli nguwe, nkabela ta konzyi kubisya.” Ino inga Nda ba sizibi buti, kakuli kuli cituuzyo cibikkidwe alya cakutola busena bwangu? Ino inga Nda fwa buti, kakuli lufu lwa kandi bbadelela? Ino inga Nda fwa buti, kakuli Ndi jisi Buumi Butamani? Ino inga Nda cicita buti? To konzyi kucicita.

446 Mbobuti Mbwe konzya kuba a kuzumizigwa kulembedwe kuzwa kuli meya wa dolopo eli, kuzuza mamaile amakumi ali cisambomwe mu oora kwindi mu dolopo eli, elyo silutwe umwi kundi jata nkambo kakuzuza mamaile amakumi ali cisambomwe mu oora? Mbobuti mbo konzya kucicita? Ndi jsi kuzumizigwa kuzwa kuli meya oyo waamba kuti inga Nda cicita. Ta konzyi kundi jata. Kujata kwakwe—kwakwe, ula konzya kulizya ludweba a zintuzyonse zimbi, nkabela Nda konzya buyo kutaibikkila maanu. Ta yaambi cintu; Ndi jisi kuzumizigwa.

447 Elyo mbobuti Mbwe konzya, mbuli Kristo nakamana kufwida ndime nkabela Nda kaba bululami Bwakwe nkaambo ka luzyalo a luyandisyo Lwakwe kuli ndime? Ino inga Nda bisya buti, kakuli kuli cintucimwi cibikkidwe akati ka ndime a Leza, cituuzyo? Nse konzyi kubisya. Konzyi kucicita. Leza tandi boni; Walo ubona Kristo. Ula imikila mu busena bwangu. Alimwi cindi Nda cita cintu cili conse cilubide, Kristo ubweza busena bwangu. Nda kacita kulyaambila kwangu, “Nse luzi. Uli luleme. Mwami, Ulu uzyi moyo wangu. Uli zyi naa Nda cikanza na pe. Elyo Nse luzi. Kondi jatila.” Leza ta ciboni pe. I Bulowa bwa Jesu bwakandi vumba, ciindi coonse. Mpawo mbobuti Leza mbwa konzya kusola kundi bona? Mbobuti cibi mbo—mbo cikozya kubalwa kuli ndime, kakuli Ta konzyi kucicita? Kwalo Mbwe cicitila buyo, cila jatilwa. [Mukwesu Branham wanontola kanwe kakwe—Mul.] Mbo mbubo.

448 Mbuli buyo kubweza ii—ii kakulosezya madosi kaniini mbuli *aka*, kakulosezya madosi kaniini, akuli bweza kali zwide inki uusiya a kuli jatilila atala lya cidishi cipati ca musamu uusalazya, akuli losya buyo omuya, elyo mpawo kusola kuli jana alubo. Li sanduka buyo kuba musamu usalazya. Yalo inki iba musamu uusalazya. Obo mbo cibede, zibi zyako zyaambwa, ikuti na uli muli Kristo. Akati ka nduwe a Leza kuli cidishi cipati conse ca musamu uusalazya, nkabela cibi cako caba bululami nkaambo Cituuzyo ciluleme cila kulindila alya.

Cindi Nda boola ku mulonga kumamanino aa
buzuba,
A myuuwo ya mamanino ya buusu yaunga;
Kuli muyeeyo omwe undi botelezya a ku
kkomanisya moyo wangu,
Ta ndeedede kuyozabuka Jordano endikke.

449 Eco nce cintu cimwi cibotu. Eco nce cintu cimwi cibotu. Nse keeleli kuuzabuka. Bumwi bwa mazuba aya, tuyo selemukila ku mamanino aa lweendo. I zuba liyo kaka kumweka, mpawo Leza uyo ita.

450 Adamu uyo tambikizya a kuzungaanya Eva, a kuti, “Oyandwa, nceeci we. Nciindi ca kusinsimuka.”

451 Eva uyo tambikizya a kujata Abela, kwaamba, “Kobuka, omuyandwa. Nciindi ca kusinsimuka.” Abela uyo jata Seti. Elyo Seti uyo jata Nowa. Nowa uyo jata. . . Oh, kuyabuya ansi, kuyabuya ansi kuli Abrahamu, akuyabuya ansi mbuli mbo baboola. Kuyooba kuzungaana a kusinsimuka kupati cindi Mwana wa Leza aakusika. Tuya kwiimikila mu cinkozya Cakwe ku buzuba obo.

452 Lino, ikuti na wacita cibi awa, uyo cibbadelela. Nda . . .

453 Cazumanana buyo kusika ku mizeezo yangu, Nde elede ku caamba. Nda soleka kucizima, kwa ziindi zyone na zyoanwe. Nde elede ku caamba. Mbangaye bamuyeey oyu

mukwesu, mweembeli, wakali okuno ku mbungano ya Leza? Mukwesu, mpoonya atala awa, nguni zina lyakwe? Wakali ubelekela Vorgang anselelo awa. Oh, nywebo nyoonse... I Ntaanzi mbungano ya Leza, nkoonya okuno ku kkona. Na, wakali kusambala zya Rawleigh mu ciindi ca i—ca buyumuyumu bwa makwebo. Ii mwaalumi wini, munaleza wakali mubotu ausalala kapati. Mukwesu Smith waka bweza busena bwakwe atala awa. Ndila liita zina lyakwe mu maminiti masyoonto. Wa kali muntu waka futulwa a Leza.

⁴⁵⁴ Koyeeya, ikuti na ta unki ku kululamikwa, nkabela wacita cintucimwi cilubide mbuli Munakristo, Leza uyo kucenjezya. Elyo mpawo ikuti na toku bwezi kucenjezegwa, Uyo kugusya ncobeni aa nyika. Eco Nca kacita.

⁴⁵⁵ Mula yeeya, mu Bbaibbele na? Amulange mbungano ya Bakorinto. Wa kabaambila mbo bakabede, mumasena, muli Kristo. Pele wa kaba cenjezya eco cakali kuyo citika. Elyo bakali lulamika beni, baka lulamika, kuli Leza.

⁴⁵⁶ Elyo oyu mukwesu muubauba, wa kali mukwesu muubauba mubotu loko, Ndila syoma, mwaalumi waka futulwa aa Leza. Elyo wa kamu janina ncito anselelo awa ku i. . . kuli ya Vorgang. Ikuti na bamwi bantu bakwe bali kkede awa, Nda syoma tamu yeeyi kuti Ndi. . . Ta ndizyi na muli kkede awa. Pele, Ramsey, Mukwesu Ramsey, mbangaye bamwiibaluka Mukwesu Ramsey atala awa ku Mbungano ya Leza? Masimpe, mula cita, mwaalumi muubauba mubotu loko. Elyo wakali kunga ulasika ku ng'anda yangu nkabela twa kali kwiizya antoomwe, alimwi twa kali kunga twakkala alya a koomoka a kujatana aumwi aumwi ku maanza; Munakristo wini.

⁴⁵⁷ Buzuba bumwi Nda kaunka muli nkuko kunselelo okuya, ne ndakali kuzwa ku masi alandukwa lwizi mu muswaangano, waka ulingula mootokala wangu, Mukwesu Romsey wakati, “Ino inga Nda kucitila nzi, Billy?”

⁴⁵⁸ Nda kati, “Koi lingula, Mukwesu Ramsey. Kacinca oilo.”

⁴⁵⁹ “Ncibotu,” wa kati, “kwabota, kuliluleme loko.” Kati, “Yebo ujisi muswaangano mubotu na?”

⁴⁶⁰ Nda kati, “Oh, Mukwesu Ramsey, wa kali mubotu.” Nda kati, “Nda lombozya ukakonzye kwiinka a ndime ciindi cimwi. Nkaambonzi to unki andime?”

Wa kati, “Nse cimubelekeli limbi Mwami, Billy.”

Nda kalanga konse, Nda kati, “Ino waamba nzi?”

⁴⁶¹ Wa kabaanga waamba buyo kuti, “Nse ci Mu belekeli limbi,” wakeenda kuzwa.

⁴⁶² Nda kayeeya, “Oh, uya buzumanana buyo.” Nda kazumanana kweenda, kainka kubusena bumwi.

463 Kapilukila a kunjila mu mootokala wangu. Nda kaboola ku muunzi, elyo Nda katalika kuyeeya kujatikizya ceeco, “Nse cimubelekeli limbi Mwami.”

464 I Mwami waka cibikka ku moyo wangu kujokela a kumu buzya alubo. Aboobo, Nda kati, “Meda, jatilila buyo ku ciyubulo.”

465 Elyo Nda kanjila, a kunjila mu mootokala wangu a kujokela kunselelo, kaimikila alubo, kanjila muli bwa Vorgang. Nda kati, “Mukwesu Ramsey, Ndi yanda kukubuzya mubuzyo.”

Kati, “Ncibotu, Billy, ngwa nzi?”

Nda kati, “Yebo waamba, kaindi kainda, kuti to cibelekeli Mwami limbi. Wali kundi sesya buyo na, embo na?”

Wa kati, “Peepe.”

Nda kati, “Mukwesu Ramsey, to—to kanzili eco.”

Wa kati, “Iyi.”

Nda kati, “Sena to Mu yandi?”

Wa kati, “Ikuti na Nda Mu yanda, Ne Mu belekela. Ne Nta citi, Billy?” wakeenda kuzwa.

Nda kayeeya. “Yawe, Mukwesu Ramsey!”

Kati, “Nse ciyandi kwaambaula kujatikizya ncico.”

466 Nda kaunka ku muunzi, kanjila mu kaanda, kajala citendele. Elyo, oh, nywebo mulizi mbo limvwa kulemenwa kapati, mbuli kuti wagusya zibunge kuzwa ku muvwanda na cintucimwi, nywebo mulizi. Nda—Nda kayeeya, “Inzi? Ta cikonzeki. Masimpe cintucimwi caka citika ku Mukwesu Ramsey.”

467 Elyo kuli mulombe muniini uusiya, uulikidwe kuti Jimmy, ulaboola okuno ku mbungano. Ujisi kuulu komwe, nywebo mulizi; ula sunkuta, kube. Nda liluba zina lyakwe, belekela anselelo alya kuli ya Vorgang, ulanganya kubweza myootokala yakapwaika. Wa kandi swaana, elyo wa kati, “Yebo uli, Muf. Branham,” wa kati, “Ta ndizyi makani a oyu awa Dr. Ramsey abusena awa.” Wa kati, “Nda kamwaambila, buzuba bumwi, kati, ‘Toonse twa kayoowa nokuba kuula milomo yesu abusena awa.’ Kati, ‘Wa kali muntu munaleza.’ Pele,” kati, “Wa kabweza laisensi yakwe ya bukambausi a kwiinka ku cibbasiketi a kwiizapaula yonse, a kuwaalila mu cibbasiketi, kati, ‘Nse yandi cintu cakucita limbi ancico.’”

Wa kati, “Heyi, mudaala!” Kati, “To elede kucita ceeco.”

Wa kati, “Oh, Jim, Nda manizya kumu belekela Mwami.”

Aboobo wa kazumanana, kati, “To kanzili ceeco.”

468 Elyo kati, “Mpawo wa kandaambila, kati ulaboola kunselelo kuzo gilainda ma valusi akwe, aa Buzuba Bwababelesi,” Nda

syoma mbo kwaabede. “Elyo wa kati, ‘Lino, Ndi yanda kuti uboole kundi gwasya, Jim.’”

469 Wa kati, “Ndila kugwasya Nda zwa ku cikombelo, pele lutaanzi Ndiya ku cikombelo.”

470 Kati wa kajokela kunselelo, “Elyo Ba. Ramsey bakali ku gilainda ma valusi aa mootokala yabo. Wa kati, ‘Jimmy, kosweemukila ku mulonga. I saluu yakali jalidwe awa. Kosweemukila ku mulonga uka nduulile cipakete ca bukoko.’”

471 Wa kati, “Ba. Ramsey, Nda kazulwa ku zintu zinji, pele Nse kazulwi kuulila mulanda wa Mwami cipakete ca bukoko.” Wa kati, “Peepe, munene. Nse ka cicipi eco.”

472 Elyo wa kati, “Ee, kozumanana. Ka ule, Jim.”

473 Wa kati, “Ba. Ramsey, Nda gilainda ma valusi anu. Pele ikuti uule bukoko bumwi, uyo buula lwako.” Wa kati, “Nse kaulili mulanda wa Mwami cintu cili boobo.”

474 Aboobo Ramsey wakanjila mu mootokala wa Jimmy, wakainka ku mulonga; wakajoka, kanyemedede aniini, a cipakete ca bukoko, ka cinywa.

475 Wa katalika kuselemuka, a kuciswa. Mwabona? Leza ta kakonzya kukanana kuli nguwe. Nda mucenjezya, Nda kacita zintuzyonse Nze kakonzya. Mukwesu Smith waka mwiinkila a kumu cenjezya. Bantubonse bakasola kumucita zintuzyonse nzoba kali kukonzya. Nekubaboobo, wa kazunganya buyo mutwe wakwe. Ncinzi cakacitika? Wa kaciswa a kufwa. Eco caka tondezya kuti wa kali muntu wakafutulwa. Ikuti na Leza taka konzya kumubamba. . . ku muleta mu kuswiilila, Uyo mugusya ncobeni kuzwa mu nyika a kumu leta ku Muunzi. Obo mbombubo Bbaibbele mbo lya kaamba. Eco ncencico Bbaibbele ncoli syomezya. Ikuti na to yandi kuzumina kululamikwa, weelede kuya ku Muunzi.

476 Aboobo Leza takonzyi ku kusweekelwa Walo amanyiza ku kufutula, pele Ula konzya kufwiimpya mazuba ako ano, aku kucitya kubbadelela zibi zyonse nzo kacita. Aboobo, ikuti na wabisya, uyo cibbadelela cntu nco kacita. Koyeeya buyo obo.

477 Lino, lino Mwami abe andiywe. Ndila syoma, sunumasiku, kuti Mukwesu Ramsey waka futulwa. Nincobeni, Ndila kusyoma. Pele ta kakonzya buyo kuswiilila Leza, nkabela cindi na kakacilwa kuswiilila Leza, Leza wakacita kumuleta ku muunzi. Eco nce cintu luzutu cakucita, nkaambo, ino ncinzi? “Na kaleta sampu a mause ku Bulowa omo mwa kasanzigwa.” Mbo mbubo? “Elyo kubala cipangano kuba cintu citasalali,” ikuti na eco tacili mbubonya cintu olu lugwalo lwa bahebrayo ncolwa kaamba. Mwabona? Ni cakayuma kuli nguwe kusweeka, pele na kaleta sampu a mause, aboobo Leza wakacita kumu gusya kuzwa aa nyika kumuleta ku Muunzi. Eco ncecintu caka citika.

Lino akube kuti Mwami alongezye, kuciindi notu kotamika mitwe yesu aniini ku mupailo.

⁴⁷⁸ Lino, Taata siluzyalo a uusalala kapati, tuli lumbide nconzyo kuli Nduwe ku cisyomezyo nco tujisi, kuti To katusiyi na kutu lekelezya. Wa kasyomezya kuti Uyo unka ndiswe mu buumi, a mu lufu inga Uya kuba mumsi lyesu. Wa katu syomezya kuti twa kajisi Buumi Butamani. Wa ka Bupa cabuyo. Ta tukonzyi ku Bu sweekelwa. “Bonse abo baboola kuli Ndime, bajisi Buumi Butamani.” Elyo ikuti na Mbumi Butamani, ta Bu jisi magolelo, alimwi Wa kasyomezya kuyo tubusya ku buzuba bwamamanino. Kuli ceeci tuli lumbide kapati. Twa lumba kuti Ijwi Lyako lila tuyiisya eci. Lila tupa bulangizi bwa kasimpe. Citu bamba kuziba kuti Taata wesu Nduyandisyo. Ula tuyanda, alimwi Wa ka tusala. Wa kati, “Tee mwaka Ndi sala, pele Nda kamusala a kumukanza.” Elyo Nda Ku lumba, Taata, kuti Wa kacita boobo. Elyo banji bali kkede awa, sunumasiku, alimwi abo bakanzilwa Buumi Butamani, a bakatambula Jesu Kristombuli Mufutuli wabo wacigaminina. Elyo micelo ya Muuya ilabutobela buumi bwabo: buuya, lubombo, kulibomya, luyandisyo, lutangalo, luumuno, kukkazikamoyo, bubotu. Twa kulumba kuli zeezyo.

⁴⁷⁹ Elyo twa lomba, Taata, kuti na kuli bamwi umuno, sunumasiku, abo bata jisi micelo yeenda ambabo, pele bayaamina aa bubotu loko bumwi, nkaambo ba kanyanyamukwa, buzuba bumwi, nkaambo ba kalimvwa kujatwa, baka limvwa kabotu, kwayanda bakaongolola, antela bakacita zintu zinji. Pele, Taata, ikuti na taba jisi micelo ya Muuya, eyo ibabamba mu luyandisyo cakuzumanana buzuba a buzuba, kaba jatila basinkondonyina, kaba lulamika bulubizi bwabo, akupona caluumuno a kutondezya luyando, a bubotu a buuya kuli umwi aumwi, a busungu bwa Mbungano, luyandisyo lwa Kristo a bana Bakwe, O Leza Uutamani, koba jatila. Nekubakuti nzizo zya mbungano, nzizo zya mubili waanyika, akube kuti baunka lino a kubikka ambali mulimo eyo, iifwide yakunyama, a kubindaanina ku bulondosi. Ko cipa, Mwami. Akube kuti basike kuti Oyo ulondokede aku Mu tambula mbuli mulungo wa zibi zyabo, kutegwa Ako nzye kwiimikila mbuli cituuzyo cilondokede ca baalumi a banakazi basimilandu. Elyo kobapa luzyalo Lwakwe lwa luyandisyo a luumuno, kusikila ba kasike mu Busyu bwa Leza kuyo pona kwa lyeonse. Ko cipa, Taata.

Kuciindi notu kotamika mitwe yesu:

⁴⁸⁰ Ikuti na kuli bali boobo bayanda kusintanya buumi bwakunyama ibwa mbeta, zya lubbizyo, zya kunyanyamukwa, zya zintu ziniini zyakunyama mbuli ezyo, a moyo wini uuzwide luyandisyo lwini, kuti—kuti inga weenda kumbele lya sinkondonyokwe uukubijilwa kapati, ku mugwambatila a kuti, “Mukwesu, Njo kukombela. Ndila kuyanda.” Ikuti na uyanda kusintanya olo luzibo a zintu zyakunyama a luzibo

Iwini lwa luyandisyo, sa inga watambika janza lyako kuli Leza? Elyo koamba, “Leza, ndibweze sunumasiku, akundi bamba obo mbo Nde elede kuba.” Njo kukombela, nkoonya kuzwida ku cikambaukilo eci. Sa inga wayandisya mupailo? Tambika maanza ako.

481 Leza akulongezye kusule okuya, munene. Leza aku longezye, munene. Umwi umbi? Leza aku longezye, munene. “Nda kali mu cikombelo kwa myaka.” Leza aku longezye, munene. Leza aku longezye awa, munene. Leza aku longezye kusule okuya, mulindu muniini. “Ndila lomba Leza andi bambe kuba siluumuno.” Sena ula. . . Sa ula bijilwa? Sa wazwa mu kuciswa? Sena ula zumbauzya? Sena ula tontaikwa konse? Sena ula libuzya naa Ndya bwini ncobeni na pe? Cindi wasika kuli Kristo, sa uboola a kaanzambwene kazwide, moyo uuzwide luyandisyo? Sena ula Mwe endela kakutakwe kuyoowa kumwi, kwaamba, “Ndi lizyi Ngu Taata wangu”?

482 Elyo takucikwe luzulo, wa kazwa ku lufu kuya ku Buumi. Uli cizyi. Elyo ula bubona buumi bwako: uli waluyando, ula jatilwa, uli sibuuza, uli siluumuno, uli mubombe. Yonse eyi micelo ya Muuya yeenda a buumi bwako, buzuba a buzuba. Elyo mbo citila buyo cintu cita luleme, “Oh, ma.” Mbo casikila buyo ku mizeezo yako, “wa lubizya,” cakufwambaana ku ciluleme, mpoonya awo. Uta lindi kaindi kambi, koya mpoonya awo a ku cilulamika. Ikuti na to citi, ee, to ujisi Muuya wa Kristo. Inga koli mwanakazi mubotu, inga koli mwaalumi mubotu, inga kamu yeeyelwa kabotu mu mbungano, inga ko yeeyelwa kabotu mu bukkale, pele mwa kazumanana ku bulondosi obo, ku busena obo oko nko syoma cakumaninina muli Kristo? Elyo kuli ceeci, cikupa caando. “Abrahamu wakasyoma Leza, nkabela kwa keelelezegwa kuli nguwe ku bululami. Mpawo Leza wka mupa caando ca kupalulwa, mbuli cizibisyo.”

483 Lino wati, “Ndila musyoma Leza. Nda kalyaambilila.” Pele Leza waka kupa caando ca Muuya Uusalala, kujosya ku buumi bwako, kwa luyandisyo, lutangalo, micelo ya Muuya, kutondezya kuti waka futulwa? Ikuti na Ta ciciti eco, nkokuti Tana luzumina lusyomo lwako. Wa kalyaambilila buyo. Tana kuzumina, kuli cintucimwi cilubide. Sa uyanda ku Mu tambula, kai? tambika janza lyako, ikuti na kuli umwi umbi, ka tutaninga komba.

484 Leza aku longezye, omulindu mukubusyi. Leza aku longezye kusule okuya, ayabo. Leza aku longezye. Ncibotu. Umwi umbi, katu taninga buyo ku komba? Ncibotu. Leza aku longezye, kusule okuya, mucizi. Leza aku longezye, mukwesu. Leza aku longezye, mukwesu. Leza a kulongezye, mukwesu wangu. Mbo mbubo. Alo maanza, ali kkumi na kkumi aosanwe atambikwa.

Lino atu paile.

485 Alekwe Mwami, ku zyuuno zyabo, bali mukujana cipaililo. Nku zyuuno zyabo, awo mpo bakkede lino, kuteeti Wa kanana ku

myoyo yabo, kuti bali “lubide.” Nku zyuuno zyabo kuteeti Wa bikka kuyandisya mu myoyo yabo, kuteeti balo, “basukamina kuba loko mbuli Jesu.”

⁴⁸⁶ Ba yanda buumi bwabo kuti bucinwe. Ba yanda kuba babombe a balubombo. Ba yanda kuba basibuuya a bazwide lukakatilo. Ba yanda kuba basiku kkazikamyoyo, kulijata. Ba yanda kuba loko mbuli Munakristo, kuba loko mbuli Kristo, kusikila imyika iyooti, mbuli mbo baselemuka kagwagwa, “Oyo muntu Munakristo wa kasimpe. Oyo mwanakazi Munakristo wa kasimpe. Oh, mbantu babotu, balubombo abasibuuya maningi!”

⁴⁸⁷ Ko cipa, Mwami, bayo lutambula olo luzibo, sunumasiku. Alimwi akube kuti bata yaamini ku nguzu zya mbungano yabo, a bumembala bwabo ku mbungano inwi, kabungwe kamwi; na kuta yaamina a kulimvwa kulijata, a bubotu loko bumwi, cakulimvwa kulijata boobo, cintucimwi eco cakacitika; kwayanda bakaongolola, bakaamba mu myaambo, na cintucimwi cimbi.

⁴⁸⁸ O Leza Uutamani, taba lekeli kusola kusyoma kuya ku Julu ali ceeco, nkambo twa kacibona kukakilwa cabubi ziindi zinji. Alimwi Wa ka caamba kuti ciyo kakilwa, “Naa yalo myaambo, uyo mana! Oko kuli businsimi, buyo yabaala. Oko kuli luzibo, luyo yabaala. Oh, oko kuli zintu ezi zyonse, neziba zipego, maleele aakuponya, zyonse ziyo mana. Citabiyo olo luyandisyo lwa Buleza nduuyo kkalilila.”

⁴⁸⁹ Leza, kolenga eco mu moyo wabo, akuba lekela kuziba kuti oyo Muuya nguuziyala micelo. Kocicita buyo lino, Mwami, kuciindi notu Ku lindila, nkambo twa cilomba mu Zina lya Jesu. Ameni.

⁴⁹⁰ [Kabeela katakwecintu aa teepu—Mul.] Zikoto zya mulilo kazyuulula, a kubona nziba ziinka konse akonse mu muyake, ku bona Kristo kanjila amaamvwa mu maanza Akwe, alimwi muli Akwe. . . Oh, sena mulizi kuti nkuteya kwa sikulwanakristo? Wa kati, “Cindi zintu ezi zya kutalika kucitika, mpawo amuka lungumane, lununuko lwanu lwa swena.” Mpawo nke kaambo Ndi yanda kubindaanina kaindi konse Nkwe konzya ku mbungano, aku mutonkomeka. Mukwesu Neville kwayanda tanooli andiswe lyoonse. Ndi syoma kuti Mukwesu Neville kuba mwiyi, mubotu usitikide wa Makanimabotu. Ta tuzyi eco ciyo linjizya mu cikambaukilo eci, alimwi, cindi caakunjila awa, “Mbelele Zyangu zilizi Jwi Lyangu.” Amukkale a Ijwi eelyo. Muta kasoli kusiya eelyo Ijwi. Amu kkale ncobeni a Ndilyo. Amwiimikile cakujatisya mu bulubusi oko Kristo waka mwaangulula. Muta lizambi mu majokwe oonse a buzike azimwi. Amwiime nji, a kwiimikla cabulubusi. Leza uyo mulongezya. Ta tujisi cintu mu inyika a kuyoowa.

⁴⁹¹ Lyonse mula libuzya. Ndila bona bantu kabasika kuzo kombelwa, bayo njila cansoni mu mundando. Ciindi citobela

bayo bona muswaangano wakuponya, bayo unka mu mundando *oyu*, bayo njila mu mundando *oyu*. Nse batapatili. Ba sola buyo kujana kwanguluka, pele baunka munzila iita luzi. Mu cita bumbi, eco Leza nca takaamba kucita. Mwabona? Cindi weenda kumbele lya Cuuno cabwami ica luzyalo, a kusyoma, kuti, “Amu lombe, muyo tambula.” Amukkale a Ndilyo. Eyo nje nzila mbo cicitwa; kutali buyo kuti kuzwa ku ncito kuyaku ncito, kuzwa ku mbungano kuyaku mbungano, kuzwaku muswangano kuyaku muswangano wanguzu.

⁴⁹² Baa, baka bamba eyi miswaangano mipati yakuponya mbuli zikama zyabufuba. Nincobeni, ba kacita. Buba busena awo, bantu bapambu, bala langa konse alimwi bala libuzya eco conse mbo cibede. Okuya, Leza ta yandi zintu ezyi. Kuponya ta kweelede muba mu miswaangano yanguzu. Kuponya kweelede kuba mu mbungano aimwi, zyonse ezi zipego kazibeleka. Pele muta unki kuleta zipego ezyo. Muta bikkila maanu ku cipego. Ikuti na Leza uyanda kukubelesya ku cintucimwi, Uyo cicitwa. Pele, kolangila kuli Sikupa.

⁴⁹³ Martin Luther, lomwe nakamana kwaambaula mu myaambo, wa kabuzigwa nkaambo nco taka cikambauka, wa kati, “Ikuti Ne kacika mbauka eco, bantu bangu niba katobela cipego mubusena bwa Sikupa.” Mbo mbubo.

⁴⁹⁴ Moody, ciindi cimwi, kaambaula, a kutalika, cindi na kali kukambauka kungsi lya bunanike loko, wa kaambaula mu myaambo. Wa kati, “Leza, ndijatile ku kuyobayoba majwi abufuba.” Incobeni. Mwabona? Elyo bakali zijisi ezyo zintu. Tula syoma mu zintu ezyo, pele zyelede kubikkwa mu busena bwazyo. Alimwi ta zyelede kubikkwa mbuli bumboni.

⁴⁹⁵ Takukwe cintu comwe cisyeede mu Bbaibbele, mbuli “bumboni bwa Muuya Uusalala,” micelo biyo ya Muuya. Amujane busena bumwi obo Jesu mpa kaamba obo. Iiyi, munene. I bumboni bwa Muuya Uusalala walo mucelo wa Muuya wako. Jesu wakaamba obo, “Ku micelo yabo muyo baziba.” “Elyo micelo ya Muuya nduyandisyo, lutangalo, luumuno, kukkazikamoyo, bubotu, luumuno, buuya, lubombo. Alimwi micelo ya sinkondo mbulwani, nsulaiko, luzundo, nzangi, azimwi zimbi; eyo micelo ya sinkodo.” Aboobo, inga mwa beteka ku nzila njo pona, oko nkoimvwi a Leza. Ikuti na moyo wako onse uli muluyandisyo a Nguwe, alimwi ula Mu yanda alimwi uli sibuyya, a kupona a Nguwe abuzuba, uli zyi kuti wakazwa ku lufu kuyaku Buumi. Ikuti na tabuli obo, nkabela uli bumbi, uli kozyanisywa buyo kuba Munakristo. Mbo mbubo. Kwalo, kulikozyanizya koonse kwakunyama kuyo yutulwa ncobeni. Tu lizi obo.

⁴⁹⁶ Aboobo, uta poni musyobo oyo wa buumi, tolede kucita. Nkaambonzi ncoya kuzumina cisintanyo, kakuli milengalenga

yonse atala izwide zibotu a zini? Nincobeni. Atu bweze Leza, eco Nce yanda. Amenii.

⁴⁹⁷ Lino, sena kuli umwi waboola ku kombelwa? Ikuti na wacita, tambika janza lyako. Twa jisi mulimo wakuponya kuseeni oku. Ndi yeeyela kuti mpawo. . . Oyu mulindu awa? Ncibotu, mucizi, sa inga waboola kunembo mpawo? Elyo mukwesu wesu, mwaalu, okuno, boola lino ku kunanikwa.

[Kabeela katakwecintu aa teepu—Mul.]
 . . . mweka ali ndime;
 Oh, mweka ali ndime, Mwami, mweka ali
 ndime,
 Lekela Mumuni uzwa ku ngazi yamumuni
 umweke ali ndime.

⁴⁹⁸ Sena Tali mubotuloko? Atu kotamike mitwe yesu, cakubatama loko lino. Elyo, *Mweka Ali Ndime*, alubo. Lino, boola lino, aumwi, akuti “Mweka. . .” Ko Mu komba buyo mu buntu bwako lino, wabona, kuya bubatama. I mulimo wakuponya uli mukuboola. I mulumbe wagola. Atu kombe.

Lekela Mumuni uzwa ku ngazi yamumuni
 umweke ali ndime;
 Oh, mweka ali ndime, Mwami, mweka ali
 ndime.
 Lekela Mumuni uzwa ku ngazi yamumuni
 umweke ali ndime.

Kuba buyo mbuli Jesu, kuba mbuli Jesu,
 Oh, aa nyika Ndi yandisya kuba mbuli Nguwe;
 Kwinda mu lweendo lonse lwa buumi kuzwa aa
 nyika kuyaku Bulemu,
 Nda lomba buyo kuba mbuli Nguwe.

Tuyo enda mu Mumuni, Mumuni mubotu
 boobu,
 Amuboole oko madosi amume aa luse
 nkwalalama;
 Kutu mwekela toonse, masikati a masiku,
 Jesu, Mumuni wa inyika.

Nyoonse no basalali ba Mumuni
 amwaambilizye,
 Jesu, Mumuni wa inyika,
 Mpawo milangu yaku Julu iyo lila,
 Jesu, Mumuni wa . . .

Tu tambule, Mwami, mbuli mbotu Ku komba.

Tuyo enda mu Mumuni, Mumuni mubotu,
 Amuboole oko madosi amume aa luse
 nkwalalama;

Kumweka kuzunguluka ndiswe toonse isikati
a masiku,
Jesu Mumuni wa inyika.

⁴⁹⁹ Sena mula kuyanda oko mbo kukumba kumba? Muli mvwa kabotu? Tambika janza lyako, kwaamba. Kuli cintucimwi cijatikizya inyimbo ezi zya ciyanza cakaindi, ziimbo zyakaindi, Inga ndazisala kwinda zyonse ezi inyimbo zyanyika zipya kubikkwa mukati, alimwi mu mabungano a Bunakristo. Ndila ziyanda ezyo zyakaindi, Nda ziyanda.

Jesu, ndiswenye ku ciingano, (Ma!)
Kuli kasensa kayandisi,
Kabuyo kuli boonse, kalonga ka kuponya,
kakunka kuzwa ku kasensa ka Kalivari.

Mu ciingano, mu ciingano,
Oh, kube bulemu bwangu lyoonse;
Mane buntu bwangu bwaka kwempwa
bukajane
Kulyookezya kutala lya mulonga.

⁵⁰⁰ Nda konzya kuzwa mu inyika cabuteteete kapati cindi eyo ya imbwa. Tamukonzyi na? [Mbunga yaamba, “Ameni.”—Mul.] Mbocili cibotuloko! Sena conse cabambwa? Nywebo mulizi, Ndili kkomene Nda kacibamba conse. Tamuli obo na? [“Ameni.”] I bulunguluzi bwakaindi bwakabambwa bonse, ciindi cilamfu cakainda. Nda ka Mwaambila, “Mwami, Nse yandi penzi limwi kunselelo lya mulonga. Ndi—Ndi yanda kuba masimpe lino.” Ndi yanda ku Mu ziba. Ndi yanda ku Mu ziba.

⁵⁰¹ Ngooyo mugodi, mupati uusiya ubikkidwe kumbele lya umwi aumwi wesu. Tu tozya nzila eyo. Ciindi conse moyo wesu wadundaana, tuli mumsi loko a mumsi loko. Pele cindi Nda akusika okuya, Nse yandi kulivunyungula mbuli mukandu, Ndi yanda kuli zambaila mu zikobela zya bululami Bwakwe, kunjila muli mbubo, mukuziba ceeci, kuti, “Ndili Mu zyi mu nguzu zya bubuke Bwakwe.” Kuti, cindi walo akwiita, Njo yutuka kuzwa akati ka bafu. Ma. . .


⁵⁰² *Lusyomo Lwangu Lulanga Kutala Kuli Nduwe*, atu lwiimbe lino.

Lusyomo lwangu lulanga kuli Nduwe,
Yebo Kabelele wa Kalivari,
O Sibuleza Mufutuli.
Lino kondimvwa kuciindi ne Ndi komba,
Gwisya zibi zyangu zyoonse,
Tandi lekeli kusola kuleya
Kuzwa kuli Nduwe kumbali.

⁵⁰³ Lino, Mwiyi mupati, mbuli Mbo tuyiisya mu Ijwi Lyako bbotu loko, myoyo yesu ila bimba ncobeni, a luzyalo lwa kukwempwa, kuziba kuti twa kazwa ku lufu kuyaku Buumi. Koonse nkwa bubotu bwa Mwami wesu Jesu, Oyo waka twiita,

alimwi waka tusanzya mu Bulowa Bwakwe alimwi waka tutuula kumbele lya Cuuno cabwami ica Leza, kakutakwe kampenda, kakutakwe butongo, nkambo Wa kabweza zibi zyesu. Ta tukwe cibi. “Leza wakabikka milandu yesu tonse ali Nguwe, nkabela Wa kayaswa nkambo ka nsotoko zyesu.” Oh, obo mbo tu Mu yanda, Kabelele mupati wa Leza!

⁵⁰⁴ Elyo twa komba, Taata, kuti Uya kupa bukanazi, bupanduluzi, kutegwa inga twaambila bamwi; kutegwa inga ba Mu ziba, abalo, aku Mu yanda, nkambo Ula bayanda. Tupe luzyalo olu.

Elyo nda Ku lumba, Taata, nkambo ka baabo bavwanda bazyalwa cabupya bazwaa kunjila mu bwami bwa Leza. Akube kuti baka jane mbungano mbotu yamu muunzi kubusena bumwi, alimwi okuya kuyo Ku belekela kusikila lufu luka baangulule kuzwa ku mubili oyu wakaindi iwakulimvwa kucisa a kuminwa, a kuba tuula kumbele Lyakwe, kakutakwe kampenda, kakutakwe butongo, mu bukkalo buboola, a Buumi Butamani. Nkambo twa cilomba mu Zina Lyakwe. Amenii. 

BAHEBRAYO, CHIPATI CACISAMBOMWE 2 TNG57-0908E
(Hebrews, Chapter Six 2)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Itwi 8, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org